

دون حذف الرقابة



الدار المصرية اللبنانية


جلسن ومرقص

يوسف معاطي



FAYROUZ2006
www.dvd4arab.com

إخراج: **رامي إمام** باليتاف: **يوسف معاطي**
مونتاج: **مهندس الدكتور عادل المغربي** مدير التصوير: **مهندس تصويرية ياسر عبد الرحمن**
مدير التصوير: **احمد عبد العزيز** مدير التصوير: **احمد عبد العزيز**
الإشراف على الإنتاج: **احمد عبد العزيز** مدير التصوير: **مهندس تصوير و الصيبي**
إنتاج: **جود نيوز فور فيلم اند ميوزيك - عادل اديب**
توزيع: **الوسكان - النصر - العاصم**



جود نيوز

جلسن ومرفص

يوسف معاطى

الدار المصرية اللبنانية

إهداء

إلى كل من يرفض التعايش بين الهلال والصليب على أرض هذا الوطن..
أقول لهم كما قال بديع خيرى وسيد درويش فى عشرينات القرن الماضى :

لا تقوللى مسيحي ولا مسلم
يا شيخ اتعلم
ده اللي أوطانهم تجمعهم
عمر الأديان ما تفرقهم

س

يوسف

عنه الواد كروس يتاع الوزير

اي صه رصقص

انه مشوار طويل وشاه

و بلدنا جميل

وشحونه بالابداع

عادل امام

منته

مقدمة

ماذا أكتب عن يوسف معاطى ؟

ذلك هو السؤال الذى ظل يدق أبواب عقلى بقوة منذ أن شرفنى بطلب كتابة هذه السطور .

هل أكتب عن يوسف الكاتب الصحفى ، أم الشاعر السرى ، أم مذيع نشرة الأخبار بالإنجليزية ، أم مقدم برامج الحوار ، أم الإذاعى الساخر ، أم المؤلف المسرحى ، أم عاشق السينما الإيطالية ، أم دارس علم المفارقات الكوميديية فى روما ، أم المرشد السياحى المتقاعد ، أم السيناريست السينمائى ، أم المولع بالدراما التليفزيونية ؟

هل أكتب عن نديم الكبار وصديق العمالقة ، ومحترف تدخين الشيشة ، وصلوك المقاهى ، ولورد السفر حول العالم ، والحبیب المخلص ، والأب الولهان بصغيرته ، والصديق الوفى الذى تجده عند الشدائد ؟

هل أكتب عن من جاء بأكبر صندوق للمتفجرات من أجل نسف سقف الأحلام وانضم إلى حزب المجانين الذين يؤمنون بأن الإنسان ذكى حتى يثبت غباؤه ؟
هل أكتب عن ذلك الطفل الكبير البرىء ، ذلك الحكيم الأربعينى الذى يعيش بقلب ليوناردو دى كابرियो ، وحكمة زكى نجيب محمود ، وفطرية بديع خيرى ، وصلعة محمود السعدنى ، ونقاء الأم تريزا ؟

هل أكتب عن مسرحه أم تليفزيونه ، أم ما قدم على الشاشة الكبيرة ، أم ما شاهدناه على مسرح الحياة ، أم ما نقرأه له على ورق الصحف ؟
سوف أكتب عن أمر واحد لا ثانى له !

سوف أكتب عن « مجموعة إنسان » ، عن « مؤسسة متنقلة » عن « كتلة جنون ممزوجة بالحكمة » عن كرة « حزن دفيق تتدحرج وتكبر بالضحكات » .

إنها حالة فريدة فى زمن يودع الصدق ويستقبل الأعداء بالأحضان .
حالة يوسف معاطى ، حالة نادرة ، نظهر وتتبلور فى قمة نضوجها

الفنى فى « نص حسن ومرقص » الذى بين أيديكم ، والذى يكفينى أن أقول إنه نص يسبق زمنه .

إن نص السيناريو الذى بين أيديكم يتصدى لقضية القضايا ، ومسألة المسائل الخاصة بـماضى وحاضر ومستقبل مصر ، تلك هى مسألة الوحدة الوطنية .
إننا فى عصر الفتن الدينية والتعصبات المذهبية ومشروعات عودة ولاية الفقيه .. ندرك أن السكين القاتل الذى يمكن أن يشق صدر وطننا الحبيب هو سكين إثارة الفرقة بين المسلمين والمسيحيين .
من الممكن لشعب مصر الصبور أن يتحمل بعض الفوارق بين الطبقات ، ومن الممكن أن يتعامل مع سوء بعض الخدمات ، لكن الأمر الوحيد المؤكد الذى أثبتته التاريخ أنه من غير الممكن أن يتعايش مع شرخ فى العلاقة بين مسلميه ومسيحييه .

إن الأسلوب الذى عالج به كاتبنا هذه المسألة هو أسلوب شديد الإنسانية ، يتجنب المباشرة الساخرة ، ويدخل بعمق فى أدق تفاصيل أزمة التعايش مع الآخر تحت سقف الوطن الواحد ، ورغم صعوبة وخطورة الموضوع وحساسيته المفرطة ، إلا أن كاتبنا سار على خط الصراط المستقيم المشدود فوق آتون الطائفية البغيضة ، ونجح فى أن يوصل رسالة الفيلم المستنيرة بفهم وسلام . ولم يفقد كاتبنا ملكته فى التعامل مع مسألة شديدة الخطورة والجدية بأسلوب كوميدى وذكى وراقٍ ، يجعلك تمارس القهقهة حتى تستلقى (لامؤاخذة) على قفاك .

اسمحوا لى أن أقدم لكم ... صديقى يوسف معاطى

يو يـو - عماد الدين « سب »



منظر عام للقاهرة .
قبل أن يستيقظ المصريون من نومهم .
القاهرة وقد بدأت تستيقظ .
عربة فول فى أحد النواصى وقد التف حولها
الزبائن ليفطروا .
أطباق الفول بالزيت تنزل أمام أحدهم يأكل
بنهم .
تبدو على وجهه زببية الصلاة .
يبحث عن بصلة .
يعطيها له الواقف يأكل بجواره الذى نلمح
الصليب مدقوقاً على يده يأخذها منه الرجل
المسلم ويدشها ثم يأكلها .

قطع



نرى بولس وجرجس داخل الكنيسة وحدهما
وكأنهما كانا يصليان فى الكنيسة مبكرًا جدًا .

نسمع صوت الترانيم المسيحية فى الخلفية كما
نرى جو الكنيسة الدينى والأيقونات المسيحية
على الجدران .

بولس يرتدى زى الواعظ عباءة سوداء وصليب
كبير ولا يلبس عمامة .. أما جرجس فيرتدى
ملابس عادية تناسب سنه .

بولس يبدأ فى ترنيمة يتغنى بها .
يتغنى بها .

يتغنى بها .

يتغنى بها .

بولس : اللهم ارحمنى فإنى خاطى .

جرجس : اللهم ارحمنى فإنى خاطى .

بولس : يا ملك السلام أعطينا سلامك ..

قرر لنا سلامك .

جرجس : واغفر لنا خطايانا .

بولس : المرضى اشفيهم والحزاني عزيهم .

جرجس : والذين فى الشدائد يا ربى أعنتهم .

قطع



بولس وجرجس فى السيارة .. بولس يقود السيارة .

بولس يردد بعض جمل من الإنجيل التى تحت على الالتزام .

وجرجس يردد لها وراءه

قبل أن ينتهى بولس تمر سيارة بها فتاة جميلة ترتدى بلوزة بحمالات وشعرها يطير للخلف فى أنوثة فياضة .

جرجس ينظر نحوها بإعجاب وقد نسى ما كان يقوله بولس .

بولس يضربه (مداعبًا إيَّاه) .. ويكرر الجملة .

جرجس خائفًا يكررها وراءه بسرعة .

بولس ينتهى من الأدعية المسيحية .. ويربت على شعر جرجس .

فى ضيق .

فى استسلام .

مرور بنات .

بولس : من نظر إلى امرأة واشتهاها فقد زنا بها .

جرجس : فقد زنا بها .

بولس : امرأة فاضلة من يجدها قيمتها تفوق اللأئى .

جرجس : تفوق اللأئى .

بولس : تفوق اللأئى .

جرجس : اللأئى .

بولس : كبرت يا جرجس .. ياللا خالص الجامعة السنة دى عشان أنا حاطط لك عينى على واحدة لولفيت الدنيا مش حتلاقى زيبا .

جرجس : مين ؟!

بولس : جانيت بنت وليم شحاته!

جرجس : رفيعة!

بولس : إنت عاوزها تخينة يا جرجس!

جرجس : اللى تشوفه يا بابا!

بولس : الجواز يا جرجس يا بنى رباط مقدس أبدى .. ما يجمعه الله لا يفرقه إنسان .. وجانيت دى هى اللى ترتاح لها طول عمرك .. الرفيعة

بتتخن .. والتخينة بترفع والحلوة بتوحش ..
السلام النفسى اللى بينكو والمحبة هى اللى
بتدوم.

جرجس : أصلها يا بابا حولة شوية!
بوئس : يابنى إنت بتدقق فى حاجات غريبة
.. إنت فاكر إنك لما تتجوزها ح تقعد تبص فى
عينها طول عمرك .. الحاجات دى بتدوب مع
الوقت وبالعشرة عينيكو ح تطبع على بعض .
جرجس : يا بابا دى طول القعدة امبارح بتكلم
حضرتك وعينها ضاربة علىّ أنا .

بوئس : ده أكبر دليل إنها بتحيك يا جرجس
يابنى .
جرجس : بصراحة يا بابا أصلها كمان هيلة
شوية!
بوئس : يابنى إنت ما شفتش أمك يوم ما
اتجوزتها .. الجواز بيعقل!

جرجس : مناخيرها طويلة كمان يا بابا .
بوئس : و أنت إيه اللى يخليك تحط مناخيرك
فى مناخيرها يا جرجس .

جرجس : مش ح أتجوزها يا بابا .
بوئس : وإيه اللى دخل الجواز فى المناخير ..
إنت ما شفتش مناخير أمك يوم ما اتجوزتها ..
زلومة فيل .. إنما بالعشرة والأيام

جرجس : وهيه المناخير بتصغر بعد الجواز
يا بابا .

قطع

تمر فتاة جميلة فى سيارة أخرى .
جرجس ينظر نحوها .

تفتح الإشارة وتمضى السيارة .

يقاطعه .
يضحكان معاً فى براءة وعذوبة .



نرى الشيخ محمود فى الجامع يؤم المصلين فى صلاة الظهر وخلفه عدد من المصلين .
يختم الصلاة .

محمود : السلام عليكم ورحمة الله وبركاته .
السلام عليكم ورحمة الله وبركاته .

يبدأ محمود فى أدعية دينية جذابة ورائعة .

اللهم لا تدع لنا ذنباً إلا غفرته ولا عيباً إلا سترته
ولا همماً إلا فرّجته ولا ديناً إلا قضيته ولا حاجة
من حوائج الدنيا والآخرة هى لك رضا ولنا
صلاح إلا قضيتها يا أرحم الراحمين .

قطع



فى خروج الشيخ محمود من الجامع نرى محل
العطارة الخاص به أمام الجامع .
محل الشيخ محمود سيف الدين للعطارة
والأعشاب الطبيعية .
عبد الهادى مبتسماً فى خجل يخرج ورقة من
جيبه .

عبد الهادى : عاوز الحاجة دى يا شيخ محمود!

محمود يقرأ الورقة .
صوت القرآن منبعثاً من داخل المحل .
الشيخ محمود جالساً بالجلباب الأبيض والطاقية
والعباءة .

يتكلم مع رجل مُسن .. عبد الهادى يأخذ منه
بضاعة من المحل .. يُفهم منها أنها وصفة
لزيادة القوة الجنسية .. لافتة وراءه (لا يصلح
العطار ما أفسده الدهر).

**محمود : اختشى يا عبد الهادى .. اتهد .. جوزة
الطيب وحجر النار .. دى خامس جوازة يا عبد
الهادى .**

**عبد الهادى : مش أحسن ما أمشى فى الطريق
البطال يا شيخ محمود!**

**محمود : إنت قادر تقف على حيلك يا عبد الهادى
، والعروسه بأه عندها كام سنة ؟
عبد الهادى : 25 سنة .**

**محمود : الله يرحمك ويحسن إليك يا
عبد الهادى .. وأدى من عندى وقيتين بُن .**

عبد الهادي : بُن .. ليه ؟
محمود : عشان العزا بتاعك ؟! الخرجة بعد
الدخلة علطول .

إنت ما بتقراش ؟
عبد الهادي : يا شيخ محمود ما تفولش عليا
.. ده بدال ما تدعيلي دعوة حلوة من دعاويك
المستجابة!
محمود : أقولك إيه ؟. ربنا ينفخ فى صورتك
يا عم عبد الهادي .
عبد الهادي : أهو كفاية دعوتك دى يا راجل
يا صالح يا طيب !

الرجل : سلامو عليكم .
محمود : وعليكم السلام .
الرجل : أنا جايلك من آخر الدنيا مخصوص
.. ناس قالولى عليك يا راجل يا طيب .. مش
الشيخ محمود سيف الدين برضه .
محمود : أيوه !
الرجل : بأه أنا مراتى عليها عفريت ، وقالوا لى
إنك بعون الله تقدر تصرفه .

محمود : طيب انصرف .. انصرف إنت من
قدامى عفاريت إيه بس! .. ما عفريت إلا بنى آدم
ياراجل!
أهه .. أهم جم اللى مش ح نعرف نصرفهم .

الضابط : عاوزينك فى كلمة يا شيخ محمود .
محمود : خير يا محسن بيه !

يشير للافتة (لا يصلح العطار ما أفسده
الدهر).

يدخل رجل قبيح الوجه .. يشبه العفاريت ..
شعره طويل ومنكوش .
صارخًا .
مرعوبًا .

محمود ينظر له مفتاضًا .

تقف سيارة بوكس .
ينزل الضابط محسن وهو فى نهاية الثلاثينيات
برتبة مقدم .

الضابط : أخوك أسامة فين؟!!

محمود : والله ما أعرف يا محسن بيه .

الضابط : إحنا عارفين إنك راجل طيب

ومحترم .. ما لكش دعوة بحاجة .. إنما إحنا

بنبلغك أهوه .. أخوك لو اتصل بيك تقوله يرجع

عن الطريق اللي ماشى فيه .. انصحك يا شيخ

محمود .. وقوله إن دى آخر فرصة ح نديهاله .

محمود : حاضر .. حاضر يا باشا .. اتفضلوا

اشربوا حاجة .

يركيون البوكس .. ومحمود ينظر فى أثرهم .

قطع



إجراءات أمنية مشددة تحيط بمبنى ضخم ،
ونرى سيارات البوليس ورجال الأمن المركزي
يحيطون بالمبنى فى حملة تأهب قصوى .
ترتفع الكاميرا لتظهر لنا لافتة .. «المؤتمر
الحادى والخمسون للوحدة الوطنية».
نرى الشيوخ يدخلون والقساوسة عبر البوابات
الإلكترونية .

المراسل : ويؤكد المؤتمر السنوى الحادى
والخمسون للوحدة الوطنية المتبادلة بين
المسلمين والمسيحيين على أرض الهلال
والصليب .

ثم نرى فى جانب من الشارع أحد المراسلين
لقناة إخبارية وهو يقدم التقرير على الهواء .
نرى اثنين من القسس يمشيان معاً .. أحدهما
يكلم الآخر هامساً :

قس 1 : مؤتمرات إيه يا لوقا .. إحنا لوقعدنا
ميت سنة فى البلد دى مش حناخذ حقنا .. آهو
.. لا عارفين نبنى كنايس ولا حتى نصلح دورة
مية فى كنيسة من غير تصريح ياخذ له سنة !
قس 2 : هوه كدة بس .. إلا ما فيه حد من ولادنا
يتعين فى مناصب فى الدولة . قوللى كام وزير
مسيحى فى الحكومة !

قس 1 : بوس وأحضان وقرارات ومؤتمرات
واللى فى القلب فى القلب يا كنيسة !

اثنان من المشايخ يعبران الطريق إلى مدخل
المؤتمر يتهامسان .

شيخ 1 : يا شيخ جاد .. مضطهدين إيه ؟

ده إحنا اللي مضطهدين .. كل ما نبني جامع بينوا
كنيسة قدامه .. ثلاث أرباع فلوس البلد معاهم ..
هما سايبين حاجة ما بيشتغلوش فيها !

شيخ 2 : إشى مديرين البنوك على رؤساء
مجالس لإدارات الشركات الاستثمارية الكبيرة
كلهم مسيحيين !

شيخ 1 : قعدوا يقولوا عيدنا مش أجازة ..
لحد ما بأت أعيادهم كلها أجازات على أعيادنا
إحنا كمان ومحدث بأه بيشتغل فى البلد دى ..
مقضيها أجازات !

يدخلان إلى قاعة المؤتمر .

قطع



أحد الشيوخ يتكلم على المنصة .

الشيخ : ولقد حثنا ديننا الحنيف على المعاملة الحسنة مع الإخوة المسيحيين واني لأرى مشاعر الحب والإخاء التي تجمع بيننا وبينهم قد بلغت أوجها وقمتها .. أما المتطرفون والإرهابيون الذين يُسيئون بأفعالهم إلى الأمة الإسلامية وإلى الدين الإسلامي فهم ليسوا من الإسلام في شيء والإسلام برىء منهم براءة الذئب من دم ابن يعقوب .

الجميع : يحيا الهلال مع الصليب .. يحيا الهلال مع الصليب .

الشيخ : وأترك الكلمة لأخي بولس الواعظ الشهير وأستاذ اللاهوت .

بولس : باسم الأب والابن والروح القدس إله واحد أمين .. نحن نشكر الرب الذي منحنا هذا البلد الآمن لنعيش فيه جنباً إلى جنب متحابين متآخين متجاورين مسيحيين، ومسلمين .

إن البذرة التي في الأرض والتي تطرح ثمراً طيباً نأكله .. لا تعرف أكانت اليد التي غرستها يد مسلمة أم يد مسيحية .. إن بعض المسيحيين الذين يثيرون الفتن والضغائن بين عنصرى الأمة ليسوا مسيحيين وليسوا مصريين وإنما هم أعداء الكنيسة وأعداء الوطن .

تصفيق حاد والجميع يومنون برؤوسهم .
نرى الأربعة القسس والشيوخ يهتفون ..
ثم يتعانقون بعد الهتاف وقد تشابكت أيديهم .

الأنبا بولس يطلع بين الصفوف مبتسماً فى طيبة ،
ثم يقف على البورיום .

تصفيق حاد .. نرى جرجس بن بولس واقفاً فى آخر القاعة .. وقد شعر بالقلق وبولس مستمراً فى خطبته .

قطع



بولس فى سيارته وابنه جرجس يقود السيارة
وبولس يقرأ فى الإنجيل .

جرجس : إيه اللى إنت قولته ده يا بابا .. تانى
.. مش قولنا مائناش دعوة بالناس دول .
بولس : أنا قلت اللى أنا مؤمن بيه يا جرجس
يا بنى .

جرجس : الجماعة اللى ضدك دول مش سهلين ،
ولا يمكن ح يسكتوا ع الكلام اللى إنت قلته ده .
بولس : ح يعملوا إيه يعنى .. ح يقتلونى!

بولس : إنت خايف على أبوك يا جرجس يا بنى!
ما تخافش .. يسوع يحمينى .. إيه الصوت ده ؟
جرجس : مش عارف .. ده صوت أول مرة
أسمعه فى العربية .. أنا مش مرتاح يا بويا .

جرجس وقد بدا قلقاً للغاية .
بولس بيتسم .
بتقة .

ينزلان مسرعين .
السيارة تنفجر ، ونرى بولس وجرجس على
الرصيف ، وقد احترقت ملابسهما ، وهما فى
قمة الدهول لما حدث !
بولس ينظر لابنه وهو لا يصدق أنه نجا هو وابنه !

بولس : أنا مش قلت لك يسوع يحمينا!

قطع



عزاء المرحوم أسامة سيف الدين .. نرى بالعزاء
عدد من المعزين .. وبعض الملتحين .. ثم نرى
الشيخ محمود سيف الدين (ملتحي) واقفاً لتلقى
العزاء .. المقرئ يختم السورة .
والناس تخرج .

اثنان من الملتحين لا يخرجان (عمر وخالد) .

المقرئ : صدق الله العظيم .. الفاتحة!

عمر : البقاء لله يا أخ محمود .

محمود : الحمد لله على كل شيء .

خالد : كُنَّا عاوزين نتكلم معاك كلمتين يا أخ
محمود .

محمود : اتفضلوا .

عمر : أنا الشيخ عمر سند وده الشيخ خالد عبد
الجبار ، كان المرحوم أخوك بالنسبة لنا هو
القائد والمعلم !

محمود : الله يرحمه ويحسن إليه !

عمر : ما هو عشان تجوز عليه الرحمة لازم
تواصل الجهاد اللي بدأه الشيخ أسامة ، وتكمل
كفاحه لنصر الإسلام .

محمود : إنت تقصد إيه ؟

عمر : الشيخ أسامة كان أمير الجماعة .. وهو
أوصى لك بالإمارة من بعده .

محمود : يا شيخ عمر .. أنا راجل مؤمن وعارف
ربنا .. وياصلى فروضه وياصوم .. إنما أنا ما احبش
يكون لى انتماء لجماعة دينية .

خالد : ما تحبش .. ده فرض عليك يا شيخ محمود .. هو ده فيه أحب وما أحبش .!. وبعدين رفضك ده ممكن يحدث فتنة بين الإخوة فى الجماعة .. إحنا عاوزين الإمارة تنتقل بشكل سلمى من غير مشاكل!

محمود : يا شيخ خالد .. أنا ما كنتش عضو فى الجماعة من الأساس عشان أبقى أميرها .. وأنا ياما نصحت أخويا الله يرحمه .. إنما هو اختار طريقه ده .. وأدى النتيجة .

عمر : مالها النتيجة .. هو فيه أحسن من كده .. مات شهيداً :

(ولا تحسبن الذين قتلوا فى سبيل الله أمواتا بل أحياء عند ربهم يرزقون) . (آل عمران : 169)
محمود : سعيكم مشكور يا إخواننا !

محمود يقف لإنهاء المقابلة .
ينظران نحوه بضيق .

قطع



بعد الدعاء يرفع المصلية ويقوم .. يخلعان
الحجاب داخل البيت طبعاً .

زينب : حرماً يا حاج !

محمود : جمعاً إن شاء الله يا زينب .

فاطمة : بابا .. إنت ما ينفعش تسكت على اللي
بيحصل ده .. دول كده بيهددوك رسمى .. إنت
لازم تبلغ عنهم .. هما دول اللي ضيعوا عمى
أسامة .. وعاوزين يضيعوك .

محمود : أنا قلت لهم قرارى الأخير يا فاطمة !
زينب : وهما يعنى سكتوا .. مش كل يوم والتانى
يجولك المحل !

محمود : ما تخافوش .. ربنا حلیم ستار .. اللي
يعمله ربنا هوه اللي يكون .. فين بوسة بابا!

هى فاطمة بس اللي بتحبني فى البيت ده ولا إيه ؟!

أحدهم : إحنا عاوزين نتكلم معاك يا شيخ محمود !

محمود : أنا قلت اللي عندى يا إخواننا !

فاطمة تتعلق برقبتة .. وتقبله ويقبلها بحنان بالغ .

فاطمة تدفع أمها لتقبيل أبيها .

يطرق الباب فجأة .

زينب وفاطمة تجريان إلى الداخل ترتديان

الحجاب .

يفتح الباب ليجد أمامه الأربعة بذقون والذى

التقى بهم فى العزاء .

هنا يجب أن تظهر لنا اللقطات الفرق بين

سماحة وجه محمود ووجوه الآخرين ، ويفلق

الباب فى صفة مدوية .

قطع



نرى آثار الخراب بعد انفجار المحل .
وعربات الأمن المركزي وزحام فى الشارع ..
ومحمود يمسح دموعه بتأثر مما حدث وبجواره
ابنته فاطمة .
زينب تربت عليه .

محمود : (قل لن يصيبنا إلا ما كتب الله لنا) ..
(التوبة : 51) .

زينب : ربنا يعوض عليك يا محمود .. إنت طول
عمرك راجل طيب وعمرك ما عملت حاجة وحشة
فى حد .

محسن : بتتهم مين يا شيخ محمود .

محمود : حسبى الله ونعم الوكيل .

فاطمة : لا يا فندم .. إحنا عارفين مين اللى
عملوا كده .. ولازم تتكلم يا بابا !

محمود : اسكتى .. اسكتى يا فاطمة !

زينب : إحنا بقالنا شهر عايشين فى رعب يا فندم !

فاطمة : إحنا مهددين .. ولازم تشوفولنا حل
.. لازم تحموننا !

محسن : نحميكوا من مين ؟!

اتفضل يا باشا ؟!

مختار : احكىلى إيه اللى حصل بالضبط

يا شيخ محمود ؟!

الضابط محسن قادمًا وخلفه عدد من الضباط .

سيارة تقف وينزل منها اللواء مختار ..
الضابط محسن يقوم فى احترام ويتقدم نحوه .

قطع



ماتيلدا : نساfer .. نساfer أمريكا يا بولس .. أنا مش قادرة أتمالك أعصابى .. لوعيل رemy بومبة فى الشارع باتجنن .. لو عجلة فرقت باتفزع .. باموت .. أنا حاسة إنى ح انضرب بالنار فى أى لحظة .. أى صوت جنبى بيلبشنى ..!

باسم الصليب .

بولس : أيوه .. لا .. نشكر ربنا يا وليم .. أنا كويس .. محصلش أى حاجة .. ربنا حامينا يا وليم .

جرجس : يا بابا أنا شايف إن كلام ماما مضبوط .. إحنا لازم نسيب البلد دلوقت حالاً .. وآهى فرصة نخلص من جانبيت بنت وليم شحاته .
بولس : عاوزين تسافروا .. عاوزة تسيب مصر يا ماتيلدا .. تهون عليكى .. مصر يا ماتيلدا اللى مهما قسيت علينا فى الآخر بتفتح لينا دراعاتها وتاخذنا فى حضنها .. تقدر يا جرجس تبعد عن أمك .

بولس : أنا كمان ماقدرش أبعد عن مصر .. ده العدرا والمسيح لما هربوا جم لأرض مصر .. أقوم أنا أسيبها .. أنا بحب البلد دى قوى ولو خرجت منها ح أموت .

ماتيلدا : ولو قعدنا فيها ح نموت يا بولس .

ماتيلدا زوجة بولس فى قمة الرعب وجرجس أيضاً .

يرن التليفون .. ماتيلدا تفزع .
بولس يرد .

يضع السماعة .

جرجس مطرّقاً فى صمت .

بولس : ومين قالك إن إحنا هناك ح نكون فى
أمان يا ماتيلدا .. مش يمكن هناك يكون الخطر
أكبر وإن اللى إحنا خايفين منه ده نلاقى نفسنا
رايحين له برجلىنا !

بولس : مين ؟!

صوت : افتح يا أستاذ بولس .. أنا اللواء مختار
سالم من أمن الدولة .

مختار : أولاً قرار السفر لأمريكا قرار خاطئ
فى التوقيت ده بالذات .

بولس : الله إنتو كنتوا بتسمعونا كل ده !
مختار : ومع ذلك إنتوا لازم تختفوا تماماً لمدة
ست سبع شهور على الأقل فى مكان آمن تماماً .
جرجيس : نروح العراق .. المشاكل كلها هناك
بين الشيعة والسنة .. إحنا بره الليلة .. على
الأقل نهرب من جانبيت شحاته .

مختار : إنتوا لازم تسيبوا البيت دلوقت حالاً .

بولس : وح نروح فين يا سيادة اللواء ؟
مختار : إحنا لقينالكوم شقة كده بشكل مؤقت
فى المنيا .

الثلاثة : فين !


جرس الباب .. الثلاثة يفرعون .

بولس يقترب من الباب .

بولس يفتح الباب ويدخل اللواء مباشرة وكأنه
كان يكمل كلامه .

مختار يوجه كلامه لماتيلدا .

ينظرون لبعضهم بعضا .



قطع



اللواء داخلاً وخلفه بولس وماتيلدا وجرجس .. وقد اعترتهم حالة من الهم واضحة على وجوههم والحيرة .

مختار : طبعاً يا أخ بولس إنت مش ح تقعد فى المنيا لا باسم بولس ولا بصفتك كرجل دين ..
بولس : آمال ح أقعد بصفتي إيه ؟!
مختار : دلوقتي ح تعرف .. زمانهم طلعلوكوا البطاقات بالأسماء الجديدة ، وإحنا طبعاً ح نكون على اتصال بيك فى مكانك الجديد .
ماتيلدا : كان مستخبي لنا فين ده بس ؟!
بولس : ما تخافيش يا ماتيلدا .. إحنا فى حماية ربنا !

يدخل أحد الضباط وفى يده ملف به أوراق وبطاقات شخصية يعطيها للواء مختار الذى يفتح البطاقة وينظر فيها .
مختار يعطيه البطاقة الجديدة .

مختار : اسمك حسن عبد الحميد العطار .
بولس : إيه ؟!
مختار : حسن عبد الحميد العطار !
بولس : أنا بقول نساfer أحسن .. مش كده يا ماتيلدا .
مختار : والمدام اسمها زينات سليمان عبد العاطى

بولس : عبد العاطى! .. والأفندى ده ح تسموه
إيه هو راخر!

مختار : عماد!

بولس : آه .. عماد يمشى كده ويمشى كده ..
واللعبة دى كلها عشان إيه ؟ .. مش قادرين
تحمونا قولولنا ؟ .. أنا مستحيل إنى أغير اسمى
أو أعيش باسم تانى .



مختار : محدش قال ح تغير حاجة يا أستاذ
بولس .. دى فترة مؤقتة .. إنت شخصية معروفة
واخفاؤك مسألة صعبة جداً .. ولو وديناك عند
أى حد مسيحي ح تتكشف بالتأكيد ، عشان كده
إحنا شوفنا إن الأسلم إنك تقعد الكام شهر دول
فى بيت ناس مسلمين فى حالهم .. لا يعرفوك
ولا تعرفهم، وعموماً إنت لو ما استريحتش هناك
إحنا مش سايبينك .. إحنا معاك علطول وجانبك
.. يعنى الموقف تحت السيطرة .


رد فعل على وجه بولس وابنه وزوجته وهم
لا يدرون ماذا يفعلون حقاً !


قطع



منظر عام لسيارة بيجو .. تمشى فى طرق
زراعية داخل المنيا .. فى إحدى القرى .. بين
الغيطان والأشجار .. نلمح المساجد والمآذن
وصوت الأذان فى دخولهم.

قطع





أمام العمارة .
يقف التاكسي .. ينزل بولس وجرجس لنكتشف
أنهما يرتديان جلابيب بيضاء .
بولس مازال بذقنه وتنزل ماتيلدا محجبة ..
يخرج الحاج بلال صاحب العمارة .

بلال : أهلاً وسهلاً يا شيخ حسن .. اتفضل
يا حاج .. امبارح بالليل جاني الحاج عمران
وقاللي إنك حتسكن عندنا .. قلت له حاضر
على راسي من فوق .. طول الليل والنهار بأه ما
سبنيش .. عمّال يوصيني .. الظاهر إنك عزيز
عليه قوي يا شيخ حسن ..

جرجس : الحاج عمران مين ؟!

بولس : عمك الحاج عمران يا بنى!

بلال : ماشاء الله .. ابنك ده يا شيخ حسن!

بولس : آه ابني جر....

جرجس : عماد .. عماد حسن العطار .

بلال : اتفضلوا .. شيل يا إسلام .. إسلام ابني

ده بأه آخر العنقود .. في تانية ابتدائي .

بولس : ربنا يحافظ لك عليه يا شيخ بلال .

يلحقه .

كاد أن ينطقها .

بلال يحمل حقيبة ومعه طفل في السابعة من
عمره .. يرتدى جلباباً أبيض وطاقية .

قطع



يدخلون إلى الشقة .

يضعون الحقائب .. وقد أنهكهم السفر .. جرجس يشرب من الشفشق .. وقد ظهر عليه العطش .

بلال : اتفضل يا شيخ حسن يادى النور .

بولس : متشكر يا شيخ بلال .

بلال : أسيبك على بال ما تاخذ نفسك كده وتغير هدومك .. وح أعدى عليك عشان نروح مع بعض أنا وانت وعماد نصلى العصر فى الجامع !

رد فعل على وجه بولس .. وجرجس أيضًا الذى يبيخ الماء الذى كان يشربه .

الشيخ بلال يغلق الباب خلفه .. والثلاثة قد أسقط فى يديهم .

ماتيلدا : ح تروحو الجامع يا بولس !

جرجس : أنا مش ح اروح يا بابا .. ويحصل اللى يحصل .. لو عرفوا إن احنا مسيحيين ح يعملوا فينا إيه .. لو أنا قاعد معاك فى الجامع وحد عرف إن اسمى جرجس ولا لو عرفوا إن إنت مش الشيخ حسن ح يقطعونا حتت !

ماتيلدا : باسم الصليب .

بولس : اهدوا كده .. ما تخافوش .. إحنا فى حماية ربنا !

مرعوبة .

صوت بلال : افتح يا شيخ حسن .. يا ساتر ..
دستور !

بلال : حاجة بسيطة كده يا شيخ حسن على ما
قُسم .. الحاجة أم إسلام بتسلم على الحاجة أم
عماد وح تيجى ترحب بيها !

بولس : مالوش لازمة التعب ده يا شيخ بلال .

بلال : ده كلام برضه يا شيخ حسن ده النبي
وصى على سابع جار .. ياللا .. العصر وجب ..
ياللا يا شيخ حسن .. ياللا يا عماد !
متوضى إن شاء الله ولا ح تتوضا فى المسجد ..
لا حول ولا قوة إلا بالله .. ماله عماد !

بولس : لا .. أصل عنده المروحة يا شيخ بلال
.. دلوقت هوح يفوق لوحده .. سيبه بس أنا معاه
أنا وأمه .

بلال : ده لازم ترقوه .. أنا ح أرقيهولك .. باسم
الله الشافى !

بولس : خلاص .. خلاص يا شيخ بلال ..
سيبه بس أنا ح أفوقه ! سيبهولى أنا عارف بي فوق
إزاي؟

بلال : طيب .. أنا ح ألحق العصر وأجى أطل
عليه .. سلامو عليكم .

بولس : وعليكم السلام .

قوم .. قوم يا جرجس الراجل مشى!

جرجس : ما كنتش أقدر أعمل غير كده يا بابا !

بولس : وانت كل صلاة تجيلك المروحة كده يا

جرجس .. دول بيصلوا خمس صلوات فى اليوم

غير التراويح .

طرق على الباب .. كلهم مرتعدون .

بولس يفتح الباب .. يدخل الشيخ بلال ومعه
صينية بها طعام مغطاة بقطعة قماش .

يضع الطعام .. هم ينظرون نحو الطعام .

عماد يسقط مغشياً عليه .

يبدأ فى الرقى .

يلقى رقية دينية شهيرة لإفاقة المغمى عليه .

بلال يخرج .

جرجس يقوم ويجلس القرفصاء .

قطع



بلال مجتمعاً ببعض الرجال بعد الصلاة ، نرى الشيخ عثمان إمام الجامع وهو رجل مُسن ريفي تبدو عليه علامات الإيمان والطيبة الشديدة . يبدو الجامع في المنيا بسيطاً به حالة من السماحة والنورانية .

الشيخ عثمان : الشيخ حسن العطار بنفسه
يا شيخ بلال !
بلال : أيوه يا حاج .. إنت تعرفه !
الشيخ عثمان : هوه فيه حد ما يعرفش حسن العطار .. ده عالم جليل .. ده قطب إسلامي كبير !
بلال : أنا من ساعة ما شفته وهو دخل قلبي .. وشه سمح بشكل .. نور كده طالع من عينيه .
الشيخ عثمان : وما جاش يصلى العصر معاك ليه يا شيخ بلال .
بلال : كان متوضى وجاي .. بس ابنه لا حول الله عنده المروحة .. سوراً .. قلت له خليك جنبه .. ربنا غفور رحيم .

قطع



بولس وجرجس وماتيلدا .

طرق على الباب .

بولس يفتح الباب .. ليجد وراء جرجس على السلم عدد كبير من المصلين الذين كانوا فى الجامع .

رد فعل على وجه بولس مصعوقاً ! .. وجرجس يسقط مرة ثانية .. يدخل الشيخ بلال بين الناس متأخراً .

الجميع : الله أكبر .. الله أكبر .

بلال : أنا آسف يا سيدنا الشيخ والله ما ذنبى .. الإخوة أول ما عرفوا إنك شرفت عندى حلفوا ميت يامين ما حد يديهم الدرس إلا إنت يا مولانا !

بولس : عاوزينى أنا أدى الدرس فى الجامع !

بلال : معلىش .. اللى ما يعرفك يجهلك يا شيخ حسن .. وعماد عامل إيه دلوقت .. مش أحسن !
بولس : عماد مين ؟!

بلال : عماد ابنك يا سيدنا الشيخ !

بولس : نشكر ربنا .. أحسن .. أحسن .

بلال : اتفضل .. اتفضل يا مولانا .

بولس : بس أصل عماد ..

بلال : ح ناخده معانا ونرقيه وح يروق هناك وح يبأه زى الفل ببركة سيدى الفولى إن شاء الله .. ياللا يا شيخ حسن .

بولس ينظر مصعوقاً إلى جرجس وماتيلدا .

بلال يحمل جرجس فوق كتفه مغمى عليه .


قطع



نرى الشيخ حسن محوطاً برجال الجامع والشيخ
عثمان ، ونرى جرجس محمولاً على كتف بلال ،
وزحام حولهما .
ثم نرى فى الشباك ماتيلدا وهى تدعو لهما
بالسلامة .

ماتيلدا : ربنا يحوط عليك يا بولس .. ربنا
يحافظ عليك يا جرجس .. المسيح معاكو ..
المسيح يحميكو .

قطع



جالسًا على الأرض .. والمصلين يسألونه ..
فى شبه حلقة حوله .

أحدهم : إيه حكم الدين يا شيخ حسن فى
واحد صام رمضان 30 يوم وكان فى السعودية
وبعدين رجع مصر لقي رمضان مخلصشى ..
صام .. بأه واحد وتلاتين .. راح على ليبيا لقي
رمضان لسه ما خلصش يصوم ولا لآ ١٩٩!

الشيخ بولس مرتبًا .. يحاول التخلص من
ارتبائه .

بولس : هوه الدين قال إيه ١٩!

لرجل آخر .

يقول حديث لحسم الموضوع ويؤكد ثلاثين
يومًا .

عثمان : الرسول عليه الصلاة والسلام قال :
«صوموا لرؤيته وأفطروا لرؤيته ، فإن حالت دون غيابه
فأكملوا ثلاثين يومًا» .

بولس : أهوه .. الحلال واضح زى الشمس ..
والحرام واضح زى الشمس يا إخواننا !

يقوم رجل أهتمَّ بلا أسنان .

الرجل : وإيه حكم الشرع يا مولانا فى واحد خالغ
ضروسه وأسنانه كلها زى حالاتى ومركب طقم
أسنان .. ومش قادر أستعمل السواك .. أنا باكل ع
الطقم وبعدين أحطه فى قزازة فيها مية وصابون ..
ناس بيقولولى حرام .. لازم وحتما السواك عشان ده
سنة عن النبى عليه الصلاة والسلام .

جرجس يفيق ليجد الرجل يسأل بولس فى الجامع
.. يغمى عليه من الاندهاش والمفاجأة .

بولس : هو الدين بيقول إيه فى الموضوع ده ؟ ..
حد يرد علينا .

عثمان : الرسول عليه الصلاة والسلام قال :
«لولا أن أشق على أمتي لأمرتهم بالسواك عند كل صلاة» .

بولس : أهوه !

الرجل : أنا حلاق يا سيدنا الشيخ .. وناس جم
قالولى إن حلاقة اللحية حرام .. علقت يافطة
عندى فى المحل ممنوع حلاقة اللحية .. الزبائن
انقطعت .. والمحل كان بيعمل له فى اليوم 20
أو 30 جنيه .. دلوقت بأه لو عمل عشرة جنيه
كويس .. اللى عملته ده صح ولا غلط ؟!

بولس : الدين بيقول إيه يا شيخ عثمان ؟

عثمان : علماء الشافعية قالوا إن حلق اللحية
سنة .. اللى يلتزم بيها ياخذ الثواب .. واللى ما
يعملهاش ما تبأش معصية .

بولس : أهو .. الله يفتح عليك يا شيخ عثمان .

الرجل : فيه واحد يا سيدنا الشيخ مش قادر
على مراته .. متجاوز ست بعيد عن السامعين
قوية عليه .. مش عارف يأدبها .. يعمل إيه ؟!

بولس : كله موجود فى القرآن .. الآية بتقول إيه
يا شيخ بلال ؟!

بولس : فعظوهن !

الرجل : ما اتعظتتش ؟!

بولس : وبعدين .. كمل الآية يا شيخ بلال .

بلال : واهجروهن فى المضاجع .

الرجل : محب على قلبها !

بولس : سكت ليه يا شيخ بلال .. هيه خلصت
على كده .

يقوم رجل آخر .

يقوم رجل آخر نحيف جدًا ويبدو عليه الهزال .

جر جس وقد بدأ يفيق يرى أبيه يفتى فى الجامع
فى الحلقة .. يندهش .. مرعوبًا .

مرتبًا يدفعه للكلام .

بلال : واضربوهن !

الرجل : الست شديدة .. وقوية عليا ..
ما أقدرش أضربها .

بولس : اللي زى دى مش عاوزه فتوى .. دى
عاوزه النياية .

أحدهم : الله الله يا مولانا .. يا سلام .. ربنا
يفتح عليك .

شاب : إيه حكم الدين يا مولانا فى واحد عدا سن
الجواز زى حالاتى والعين بصيرة والإيد قصيرة ..
أعمل إيه .. ساعات بييجونى فى المنام ..
و .. الشيطان شاطر .. ما إنت كنت شاب وعارف
يا سيدنا .

بلال : لأ .. ده بأه يجاوب عليها الشيخ عماد ..
ما هو شاب زيك .. قول يا شيخ عماد .

عماد : الدين قال إيه ؟

عثمان : واستعينوا بالصبر والصلاة .
عماد : أهوه ؟!

يضحكون فى سعادة .

بخجل .

ينظر للشيخ عثمان .

قطع





طرق على الباب .

بولس وعدد كبير أمام الشقة ويتأخر دخول بلال .

تدخل أم إبراهيم امرأة جميلة ترتدى حجاب
يظهر شعرها .

بولس : فيه إيه يا شيخ بلال .

بلال : أهل البلد جايبين عاوزين ياخدوا البركة
يا مولانا .. معلى .. غلاية وأنا عارف قلبك
الطيب يا شيخ حسن .. خشى يا أم إبراهيم .

بولس : أم إبراهيم مين ؟!

بلال : دى ست غلبانة بعيد عنك يا مولانا
ما بتخلفش .

بولس : أمال إبراهيم ده بياه مين ؟!

بلال : أصلها نادرة لو جابت ولد تسميه إبراهيم .
بولس : وعاوزه منى إيه ؟!

بلال : تعملها حجاب وترقيها عشان ربنا يديها
اللى هى عاوزاه .. تعالى .. تعالى .. خشى بوسى
إيد مولانا !

بولس : لا تبوسى إيدى ولا تقرب منى .

بلال : أسيبك معاها بأه يا شيخ حسن .

بولس : أوعى تمشى من هنا .. أنا ح أرقىها
قدامك .

بلال : مادام الشيخ حسن رقاكى بياه ح يحصل ..

افقمى زغرودة يا وليه .!.. ياللا خش بخر

يا شيخ عماد عشان تحل البركة وتطرده الشياطين .

خشى يا عنايات .

بولس يضع يده ليرقيها .. ويقول كلاماً غير
مفهوم .. يدخل جرجس حاملاً المبخرة التى
أعطاهها له الشيخ بلال .

أم إبراهيم تزغرد .

بوتس : يا شيخ بلال ارحمنى .. عنايات مين
تانى .. ما كفاية أم إبراهيم!

بلال : الناس عشانين فيك يا مولانا .. بركة
.. أصل دى بأه جوزها مربوط بعيد عنك ..
يخش عليها عشان يعاشرها يشوف قرد قدامه
.. عاوزين نفعك العمل اللى معمول له .

بوتس : وعنايات ما بتخلفش برضه زى
أم إبراهيم؟!

بلال : لأ .. دى مخلفة منه سبعة .

بوتس : أمال كل ما يخش عليها يشوفها قرد
إزاي؟

عنايات : دوخت يا سيدنا الشيخ .. ولفيت
بيه على دكاترة وشيوخ وأوليا .. حتى القسيس
روحت له .

بوتس : والقسيس معملش حاجة!

عنايات : شفاه على إيدك يا شيخ حسن بعون
الله .

بلال : بركاتك يا شيخ حسن .

بوتس : ربنا هو الشافى يا بلال!

تدخل عنايات امرأة عادية محجبة أيضًا .

أصوات زغاريد .

قطع





زحام من المسيحيين فى شبه مظاهرة ..
وبوليس وأمن يحاصر المكان ولافتات :
«أين الأخ بولس» ؟

وليم : بولس فين يا أبونا .. بولس فين ؟ شهر
عدا ومحدثش عاوز يرد عليا .. الراجل ومراته
وابنه يختفوا فى لحظة كده يا أبونا ؟ فص ملح
وداب ؟ إحنا لا يمكن نسكت ؟!
القس : يا جماعة اللى بتعملوه ده مش صح ..
الأخ بولس كلنا بنحبه وكلنا تهمننا سلامته ..
وسلامة أسرته ، وإحنا مش لازم نقدر الشر قبل
وقوعه .

يخرج القس ليكلهمهم .

اعتراض من الواقفين .

قطع



عدد غفير من الناس يأتون للشيخ حسن إحداهن
تسحب بقرة .. وآخر يأتى حاملاً أقفاص الطيور
وبعضهم عمل نصبة شاي يشتري منه الناس
الشاي فى انتظار أدوارهم .
جرجس واقفاً عند الباب يمنع تزامم الناس
للدخول بصعوبة .
يوزع عليهم أوراقاً صغيرة .

جرجس : يا إخواناً ما ينفعش كده .. النظام ..
لو الشيخ حسن شاف الهرجلة دى ح يقفش منكوا
.. واحد واحد .

الرجل الذى يحمل قفص الطيور .

رجل ضخم : طيب بس طلع له دول ؟
جرجس : يا عم الحاج الشيخ حسن لا بياخد
طيور ولا غيره .. ده بيعمل ده لوجه الله .

الرجل : اعمل معروف يا شيخ عماد .. الوليه
ما بتخلفش إلا بنات وأنا نفسى فى واد .
جرجس : يعنى الوزه والبضتين دول هما اللى
ح يجيبوا الواد .

صوت بلال : اللى بعده يا شيخ عماد .

جرجس : نمرة 18 .

قطع



بولس جالسًا وأمامه رجل مرتديًا بذلة وبلال واقفًا .

الرجل : أنا مرشح نفسي في مجلس الشعب يا شيخ حسن عشان أخدم أهل البلد .. وبفضل الله بقالى دورتين باخدها باكتساح .
بولس : كويس .

الرجل : المرة دى بأه نازل قصادى واحد ثقيل وإيده طائلة .. ولامم حواليه أهل البلد .
بولس : وانت عاوز إيه ؟!

الرجل : تعمل لى حجاب .. ولأ عمل يخللى أهل البلد ما يشوفوش غيرى وما ينتخبوش غيرى .
بولس : إنت حزب إيه ؟!
الرجل : حزب وطنى .

بولس : وده محتاج عمل يا راجل .. ناجح بالثلث .. إتكل على الله .

قطع



مولد سيدي الفولى بالمنيا .

بيدأ المشهد بحلقة ذكر واستعراض جو المولد
والزحام الشديد .. ونرى بلال ومعه بولس وبعض
من كانوا فى المسجد مثل الشيخ عثمان والذين
كانوا يسألون فى الجامع وجرجس .

بلال : معلىش بأه يا شيخ حسن .. إحنا إتاكلنا
عليك .. بس أصلى إحنا بنستتى مولد سيدي
الفولى من السنة للسنة، والسنة دى بأه ح نطاهر
إسلام .. مش معقول الواد يتطاهر وإنت موجود
فى البلد من غير ما تباركه .

يجلس بولس ومعه بلال وبعض الرجال فى جو
المولد ، حيث بائعو حمص الشام والمراجيح
والزحام .. والتتورة .. وحلقات الذكر .

بولس : وابنك فين يا شيخ بلال .
بلال : موجود أهوه .. واقف فى وسط العيال .

ينظر بولس ليجد طابوراً من الأولاد يرتدون
الجلابيب البيضاء والعُقَال على رؤوسهم .. كلهم
فى انتظار الطهارة .

جرجس : هما كل دول ح يتطاهروا؟!
بلال : آه آمال إيه ؟. موسم بأه كل سنة وإنت
طيب ؟

بولس يلمح رجلاً ضخماً يقف في الطابور بين
الأطفال مرتدياً جلباباً أبيض

ينزعج حينما يراه .

ضاحكاً .

بولس : وده جاى يتظاهر برضه يا شيخ بلال .

بلال : لأ .. ده متظاهر من زمان .. دى دخلته

الجمعه الجايه يا شيخ .

بولس : بياه جاى يأيف .

بلال : لأ .. ده عنده كاللوجاى يشيله .

جرجس : كاللوفين ؟!

بلال : فى رجله .. ربنا يحضك يا شيخ عماد .

بلال يضحك .

طفل يصرخ خارجاً وجلبابه امتلاً بالدم ويخرج
المظاهر (رجل يبدو ضعيف النظر جداً وعجوز
جداً).

بولس : هو ده اللى بيظاهر يا شيخ بلال .

بلال : عم بركات .. ده مطاهر نص البلد ..

ده مطاهرنى أنا عم بركات ده .. إيده تتلف فى

حرير .

بولس : بس ده نظره شيش بيش يا شيخ بلال !

بلال : واد يا إسلام .. استرجل يا واد .. تعالى

.. تعالى حب على إيد عمك الشيخ حسن ..

عشان تاخذ البركة .. أهوكل العيال كده .. أظن

ما الشيخ عماد يوم ما طاهرته يا شيخ حسن

تلاقية عيط وقلب الدنيا .

عماد : لأ .. أنا ما عيطتش ؟!

بلال : طيب يا خويا ما دام جامد قوى كده خد

أخوك إسلام وخش بيه على عم بركات عشان

تشجعه .

عماد : أنا أخش عند بركات .. لأ يا عم !

بلال : لا ده إنت طلعت قلبك خفيف يا شيخ

عماد .. عقبال ما تطاهر أولادك .

جرجس : فى حياتك إن شاء الله .

يأتى دور إسلام .. إسلام يبكى .

خائفاً .

بولس يعانقه الطفل فى رثاء .. الطفل بيكى ..
وبولس هو أيضاً تدمع عيناه .
يدخل إسلام .. نسمع صوت صراخه .

بولس : أنا حاسس بيك يا إسلام .. اجمد يا بنى .
بشويش يا بركات .. خللى عندك رحمة يا بركات
.. ما تحفش يا بركات !

قطع



نرى ماتيلدا وجرجس وبولس وهم يصلون
وأمامهم صورة العذراء .. أو المسيح عليه
السلام .

يبدأون فى الصلاة جميعاً .
أثناء الصلاة .. طرق على الباب .

بولس يفتح ليجد أمامه ضابطاً وعدداً من الجنود
.. حالة هجوم أمنى مخيف .
مرتبكاً .

ماتيلدا تتقدم من الضابط .
جرجس ينتفض مفزوعاً .

يدخل بلال .

بولس : أبانا الذى فى السموات يتقدس اسمك ..
ليأت ملكوتك .. لتكن مشيئتك كما فى السماء كذلك
على الأرض .. خبزنا كفافنا أعطنا اليوم ، واغفر
لنا ذنوبنا كما نغفر نحن أيضاً للمذنبين إلينا .

الضابط : إنت حسن العطار ؟

بولس : أيوه !

الضابط : اتفضل معانا .

ماتيلدا : عاوزين تاخدوه على فين؟! .. استنى
يا حضرة الضابط .. ده مش !

بولس : مش إيه ؟ .. يا أم عماد .. خللى بالك من
أمك يا عماد .. أنا مش ح أتأخر .. أنا جاى علطول .

بلال : واخدين الشيخ حسن على فين يا باشا ..
ده راجل فاضل وتقى والبلد كلها بتحبه .

الضابط : مالكش دعوة إنت يا شيخ بلال .

بلال : أنا جاى معاكوا ؟!

بولس : خليك إنت يا شيخ بلال .

بلال : أخلىنى ؟! .. إنت بتقول إيه يا مولانا ..
وحياة النعمة الشريفة ما أسيبك .. كلنا ح نيجى
معاك .

بولس : كلكوا مين ؟!

قطع



سيارة الشرطة تقف وينزل منها الضابط وبولس
وجمهرة كبيرة من الذين كانوا بالجامع وقد أتوا
لكى يشدوا من أزر حسن العطار (بولس).
شعارات تخيف الحكومة يهتف بها المتجمعون
أمام مديرية الأمن .

الجميع : لا إله إلا الله .. إحنا فداك يا شيخ
عطار.. إحنا معاك يا شيخ حسن .. إحنا وراك
يا سيدنا الشيخ .. مش ح نروح .. مش ح نخاف
يمشوا اتنين بييجى آلاف .

الضابط : اللي بتعملوه ده مش كويس .. كل
واحد يروح على بيته .. إحنا حناخد من الشيخ
حسن كلمتين وح يرجع علطول .. يا شيخ حسن
اللى بيعملوه ده بيصعب موقفك .. إنت المسئول .
بولس : هوه أنا قولت لحد بييجى يا حضرة
الضابط .. يا إخوانا .. الموضوع بسيط وح يتحل
.. أرجوكوا .. أبوس إيديكوا .

بولس : يارب نج نفسى من الشفاه الظالمة ..
ومن اللسان الغاش .. سلامك ناصر العقول فينا
ومش ممكن يزول مهما العدو بيقول مالى حياتنا
سلام .

لا يتحركون .. بولس يطلع إلى المبنى مع الضابط
والجنود .. تحرش بين الأمن والمتظاهرين يتخذ
شكلاً عنيفاً ينبئ عن وقوع كارثة !
لنفسه .

قطع



الضابط يعطى التحية .

بولس يجلس وهو فى قمة الرعب .

صارخاً .

العميد يحاول أن يكبح جماح غضبه ويتكلم
برقة شديدة مفتعلة .

صارخاً .

بولس يصاب بالذعر .

الضابط : حسن العطار يا باشا !

العميد : أقعد يا شيخ حسن .

حسن عبد الحميد العطار .

بولس : أنا عاوز أكلم اللواء مختار سليمان !

العميد : استنى بس عليا .. ح نكلم الدنيا كلها

بس مش لما تعرف إحنا جايبينك هنا ليه ؟!

بولس : أنا معملتش حاجة يا حضرة الضابط .

العميد : اسمع يا شيخ حسن .. إذا كنت فاكتر

إن اللي أنت عملته فى أسيوط ح عمله هنا فى

المنيا .. إنسى !

بولس : أسيوط إيه ؟!

العميد : إيه علاقتك بتنظيم القاعدة !

بولس : أنا !

العميد : شوف يا حسن .. أنا راجل مؤمن

بالمناقشة .. بالحوار .. وأسلوبى بعيد كل البعد

عن العنف والقسوة !

إنما .

إنما .. لو حسيت إن اللي قدامى بيلف ويدور ربنا

ما يوريك .. عندى طرق تخليك تقر وتعترف بكل

حاجة .. إنت فاهم .

بولس : ما إنت كنت كويس يا سيادة العميد ..

إيه اللي حصل بس ؟!

يعود لرقته المفتعلة .

صارخاً .

العميد : أنا كويس وطيب .. وأتحط ع الجرح
بيبرد .. طول ما إنت دوغرى معايا .
إنما ..

بولس : أهو إنما دى هى اللى بتعصبك
يا سيادة العميد بلاش منها خلاص .
العميد : قعدت قد إيه فى أفغانستان يا حسن
يا عطار ؟
بولس : أفغانستان !

يدخل أربعة مخبرين ضخام الجثة ويقفون أمام
العميد وخلف بولس .
بولس مرعوباً .

بولس : أرجوك يا حضرة الضابط اطلب لى
اللواء مختار سليمان .. اعمل معروف .
العميد : إيه الدوشه دى ؟!
الضابط : البلد كلها جايه .. واقفين تحت
وعاملين مظاهرات ومش عاوزين يمشوا إلا
ومعاهم الشيخ حسن !
العميد : يا ااه .. بالسرعة دى .. لحقت تعمل
قاعدة شعبية فى البلد ! .. كده من أول يوم ..
أمال لوقعدت عندنا سنة والا اتين ح تعمل إيه ؟!
بولس : أنا لازم أكلم اللواء مختار .
العميد : حاضر يا عم حسن .. أنا ح أطلب
سيادة اللواء

قطع



سيارات نجدة وحالة طوارئ .. المكان كوردون
فى الأزهر والسيارة منفجرة والناس ملقيين
فى الشوارع والإسعاف تمر فى الكادر .. ثم نرى
مراسلى القنوات الإخبارية يندفعون نحو اللواء
مختار .. والذى يبدو فى قمة الانشغال والتوتر
ممسكاً باللاسلكى .

مراسل 1 : لماذا لم يصدر تصريح حتى الآن
من وزارة الداخلية عن عدد المصابين والقتلى
فى حادث انفجار القنبلة ؟
مختار : الحمد لله مفيش خساير فى الأرواح
.. شوية محلات اتكسرت وكام عربية .. وتلاتة
مصابين إصابات خفيفة .. و75 واحد ماتوا ..
مش لانفجار القنبلة .. إنما نتيجة للتدافع بين
الناس وبعضها وقت الانفجار .. والحمد لله
كلهم مصريين .. مفيش بينهم أجنب .

فوزى : تليفون يا باشا .
مختار : حسن العطار مين ؟ ..
أنا معرفش حد بالاسم ده .. عاوز يكلمنى ؟ ..
أنا مش فايق دلوقتى ياسيادة العميد .

يدخل فوزى .
اللواء يأخذ التليفون .

قطع



بولس : يا مختار باشا .. أنا .. حسن .. حسن .. حسن
العطار بتاع العباسية .. المسيحي .. ده سعادتك
اللى مودينى المنيا .. أنا ومراتى وابنى عماد اللى
هو جرجس .. أيوه .. ركز معايا وحياة والدك .

بولس يخطف السماعة .
رد فعل على وجه الضابط .

قطع



اللواء مختار : آه .. إزيك يا أخ بولس .
المراسل : هل مصر أصبحت منطقة إرهاب
دولية بعد تكرار حوادث الانفجارات .

اللواء مختار يتكلم فى التليفون .

مختار : أنا عاوزك تطمن خالص .. أديك
شايف رجالتنا قايمين بالواجب ولا لا ؟!

قطع

وهو ممسك بالتليفون يرد على المراسل وحوله
الضباط .



بولس ينظر لمن خلفه .

بولس : قايمين بالواجب قوى بس زيادة عن اللزوم .. أنا بتكلم من المديرية .. بأعمل إيه فى المديرية.. أصلهم عرفوا إن أنا باشتغل مع القاعدة !

قطع



اللواء مختار يتكلم فى التلفزيون .

مختار : تنظيم القاعدة ؟!
المراسل : فعلاً يا فتدم .. تفجير القنابل فى الأماكن الحيوية ده أسلوب القاعدة.
مختار : مين اللى قال الكلام الفارغ ده ؟
المراسل : سيادتك يا فتدم !

قطع



بولس : أنا عارف اى .. ما تقول الكلام ده
لحضرة الطابط أقوله صدقتى .. مش مصدقتى!

بولس والعميد .
يعطيه السماعة .

قطع



المراسل : هل أعلنت أى جهة مسئوليتها عن
الحادث .

مختار : لأ .. إنما إحنا غالباً بنميل لاتجاه إن
اللى قام بالعملية مختل عقلياً .

قطع



ممسكاً بالتليفون .
ينظر لبولس .
متشككاً .

العميد : مختل عقلياً .
سيادتك متأكد يا فندم ؟ .. أيوه يا باشا أنا مع
سعادتك .. اللى تشوفه سعادتك يا باشا ..
شيخ حسن .. إحنا متأسفين الظاهر فيه تشابه
أسماء بينك وبين واحد مطلوب عندنا .. إنما .
بولس : إنما إيه ؟!
العميد : تقدر تتفضل .

قطع





التهنئات قبل خروج الشيخ حسن .

الشيخ حسن خارجاً .. النساء تزغرد.. والرجال يهللون .. والشيخ بلال يأخذه من ذراعه بين الجميع ليركب معه الحنطور .. أمام جمع غفير من المتظاهرين والمؤيدين للشيخ حسن.

التهنئات : يا حكومة قوم قوم كل الظلم نهايته اليوم .

مشح نروح مشح نخاف يمشوا اتنين بيحوا آلاف.

بلال : يا إخواناً .. من النهاردة الشيخ حسن هو إمام جامع البلد .. هو الإمام وبكره بعون الله هو اللي ح يخطب خطبة الجمعة وبالعد في الحكومة !

بولس : إمام !

ازداد عدد الواقفين في الخارج من بداية المشهد لحظة دخول بولس مديرية الأمن .



قطع



المشهد فى الريسبشن يبدأ بجرجس يضع
حقيبة على الأرض .
الساعة الثانية بعد منتصف الليل .. الحقيقتان
موجودتان وماتيلدا جالسة وجرجس.. وبولس
يردد ونرى جرجس وقد طالت ذفته بعض الشيء .

بولس : إحنا خلاص مالناش عيش فى البلد ؟
جرجس : يعنى مفيش غير وليم شحاته اللي
نروح نقعد عنده .

بولس : وماله وليم شحاته .. راجل طيب
ومسيحى حقيقى وبيحبنا .. ده طار من الفرحة
لما عرف إن إحنا ح نقعد عنده وقلت له على كل
حاجة .

جرجس : ما قولناش حاجة .. إنما .

ماتيلدا : وطنط تريزا مراته بتحبك كأنك
ابنها بالظبط .

بولس : أنا عارف ابنك بيلمح لإيه يا ماتيلدا ..
مالها جانبيت يا أخی .. أنا مش عارف .. وحشة
جانبيت يا ماتيلدا ؟!

ماتيلدا : إحنا فى إيه والافى إيه يا بولس ..
وافرض حد شافك هناك يا بولس نبأه عملنا إيه ؟!

قطع



لنتخيل الشارع الذي به العمارة التي فى شبرا هو شارع جانبى .. أشبه بمنطقة شيكولانى بشبرا .. العمارة قديمة ولكنها تبدو عريقة والمحلات تملأ الشارع.. ولكن بالعمارة محل جواهرجى فخم .. وضخم اسمه جواهرجى جورج . كما نرى سوبر ماركت قباء صاحبه مصطفى السننى وهورجل ملتج . يبدو شكله متدين للغاية زبيبة الصلاة على وجهه واضحة . كما نرى من بعيد محلاً خالياً يبدو كثيباً خاوياً لم يستخدم منذ فترة طويلة . كما نرى مقهى بلدى فى الحارة يشبه مقاهى شبرا الضيقة . وليم خارجاً ومعه تريزا لاستقبال أسرة بولس .. يحاول أن يُسمع المحلات المجاورة .

وليم : اتفضل يا أستاذ حسن .. اتفضل يا أستاذ عماد .. اتفضلى يا ست زينات.. أهلاً وسهلاً .. شيل الشنط يا ابنى لعمك الحاج ؟!

تريزا تحضن ماتيلدا .
يوسف الذى يعمل فى محل قريب يحمل الشنطة مستغرباً ، ونرى مصطفى ينظر باندهاش .
تريزا : أهلاً يا حبيبتي .. إزيك !

جانيت تنظر من البلكونة .

يهمس لبولس .

جرجس : شايف يا بابا .. بدمتك مش المنيا

كانت أحسن .. طيب إنت هربان من ناس عاوزين

يقتلوك .. ترميني أنا الرمية دي !

بولس : تعالى يا بنى ما تخافش !

جرجس : وأخاف من إيه ؟! .. أنا مش بأيت

ابن الشيخ حسن العطار .. يعنى جانيت بأت ما

تجوزليش دلوقتي !

يضحك .

يطلعون إلى العمارة بولس وماتيلدا وجرجس .

جورج وهانى ابنه أمام محل الجواهرجى ويوسف

الذى يعمل بالمحل .

جورج : مين دول يا هانى .

هانى : دول سُكان جداد فى العمارة .. عم وليم

بيقوله يا حاج !

جورج : حاج ؟!

مندهشاً .

قطع





جانيت تفتح باب الشقة .. ليدخل جرجس
وماتيلدا بالحقائب ومعهما تريزا.

بولس : مش عاوز غلطة يا وليم.. تقح بلسانك
تودينا فى داهية .. أوعى حد من العمارة يحس
بحاجة!

يفتح باب الشقة المقابلة لشقة حسن العطار
لنجد الشيخ محمود سيف الدين.

وليم : ماتخافش يا أخ بولس!
محمود : أهلاً وسهلاً .
وليم : الأخ جارنا الجديد الأستاذ حسن العطار.
محمود : مين؟!

بولس : حسن العطار؟!
محمود : فرصة سعيدة يا أستاذ حسن ..
أنا مرقص عبد الشهيد .. لو عوزت أى حاجة
أنا تحت أمرك.
بولس : ربنا يحافظ عليك يا أستاذ مرقص .

محمود يبدو متمسكاً ببولس وسعيداً جداً
بمجيئه .

محمود : نورت العمارة يا أستاذ حسن.
بولس : منورة بأهلها يا مرقص.
محمود : اتفضل .. اتفضل .
بولس : لا اتفضل إنت .
وليم : ياللا يا أستاذ حسن .. إنتوا ح تقعدوا
تتعازموا على بعض .. رد بابك يا مرقص .

محمود بيتسم .
وليم يومئ برأسه سعيداً .
بولس بيتسم .
بولس يُفلق الباب ومحمود أيضاً .

قطع



وليم : الشقة نضيصة وزى الفل يا بولس يا خويا !
تريزا : جانبى بتمسحها وتكنسها كل أسبوع ..
ما هى شقتها اللى ح تتجوز فيها .

ماتيلدا : ربنا يتمم لها بخير يا تريزا .. ياللا
يا جرجس دخل شنطتك فى أوضتك وحط
هدومك فى الدولاب .

ماتيلدا تخلع الحجاب وتجلس لتلتقط أنفاسها .
وليم يفتح الشبابيك .. جرجس يجلس ليرتاح .

رد فعل سيئ على وجه جرجس .
بولس يبتسم .

جرجس يدخل وخلفه جانبى .

قطع



جرجس جالساً على الكنبه فى ضيق وجانيت
تقوم بترتيب ملابسه فى الدولاب.
جانيت تنظر نحوه بأنوثة .. مما يضايق جرجس .

جانيت : ده بابا الفرحة ما كانتش سايغاه
لما عرف إنكوا ح تقعدوا عندنا يا جرجس.
جرجس : أبوكى ده شكله ح يضيعنا .
جانيت : على فكرة الدقن شكلها حلو عليك .
جرجس : ح نحلقتها بإذن ربنا .
جانيت : سمعت شريط تامر حسنى الجديد ؟!
جرجس : فى المصايب اللى إحنا فيها دى ح
نسمع تامر حسنى .. إنتى رايقه باين عليكى ؟!
جانيت : إنت مالك يا جرجس .. حاسة إنك
متضايق .
جرجس : واحد أبوه مُهدد بالقتل وهربانيين
وسايبين بيتنا ومنتشحططين .. عاوزانى أعمل
إيه؟ .. أتحزم وأرقص ؟!

فى ود .

قطع



بولس ووليم فى الصلاة .

بولس : إنما .. مرقص ده اللى ساكن قدامى
بيشتغل إيه ؟!

وليم : أنا ما أعرفش .. إنما هو كلمنى عشان
ياجر المحل اللى تحت .. بيقول عاوز يعمل فيه
شغل ؟ أصله كان فى أمريكا بقاله 20 سنة ..
ولسه جاى ما بقالوش فى البيت شهرين .

بولس : باين عليه راجل طيب ومتدين .

وليم : يا أستاذ بولس ده من ساعة ما سكن هنا
لا شفناه دخل كنيسة .. لا هوه ولا بنته ولا مراته .
بولس : ما يمكن مش عارف يا وليم .. ما تكلم
الكنيسة يفتقدوه .. يجوله يفهموه .. يعرفوه يعمل
إيه ؟ ..

مسيحيين كتير بيبأه جواهرم الدين بس مش
عارفين الطريق .

وليم : عندك حق يا أخ بولس .

وليم فى احترام وإجلال .

قطع



محمود داخلاً لزوجته .

محمود : شفتى يا زينب .. شفتى كرم ربنا

سبحانه وتعالى .. عارفة مين اللى سكن قدامنا !

زينب : مين يا محمود ؟!

محمود : الشيخ حسن العطار .. أنا أسمع من

زمان إنه راجل تقى جداً .. ومبروك .. وقلبه عامر

بنور الإيمان .. ده قُطب من أقطاب الإسلام ..

يا زينب ده أكبر داعية دينى فى الصعيد ..

ده هناك له شنة ورنه .

زينب : إنما وليم صاحب البيت ما بيسكنش

غير مسيحيين يا محمود .. إزاي يسكن الشيخ

حسن العطار عنده ؟!

قطع





وليم وجورج ويوسف داخل المحل .
بيدو جورج مستاءً من أن حسن العطار سكن
عنده ووليم يببر له .

وليم : يا إخوانا الرجل ده عمل فيا معروف
من 15 سنة .. وبيته وقع وجه يستجد بيه هو
ومراته وابنه .. أسيبه ينام فى الشارع .. أنا مش
قليل الأصل .

جورج : ما أنا طلبت منك آخذ الشقة دى
مارضيتش يا وليم تقوم تديها لحسن العطار ..
تستخسرها فى المسيحي وتديها للمسلم !
وليم : دى شقة جانبية يا جورج .. هوه مش ح
يقعد فيها علطول .. هما كام شهر وربنا يفرجها
عليسهل له ويمشى .

جورج : على فين يا هانى ؟!
هانى : جاى .. جاى !

هانى يرى فاطمة تمر أمام المحل .
يخرج مسرعاً .

قطع



هاني : مريم .. سعيدة يا مريم !
فاطمة : إزيك يا هاني .. وازى أونكل جورج .
هاني : كويس .. أنا ..
فاطمة : فيه إيه يا هاني ؟
هاني : ممكن تقبلي دي مني ؟!
فاطمة : إيه ده يا هاني ؟
هاني : أصلى شايفك مش لابسة صليب .. قلت
أجيبهولك !
فاطمة : لأ يا هاني .. أنا ..
هاني : ده هدية مني ؟
فاطمة : لا ما أقدرش .. أنا .. أصلى .. سوري
يا هاني أنا ما اتعودتش أقبل هدايا من حد .
هاني : ح تكسفيني ؟
فاطمة : سوري يا هاني .

هاني يلاحق فاطمة قبل وصولها العمارة
فاطمة تقف .
مرتبكاً .
يعطيها علبة .
هاني يفتحها لنجد فيها الصليب الذهب .
تطلع مسرعة وهو ينظر بإعجاب لها .

قطع



فاطمة صاعدة بسرعة على السلم قبل أن تفتح
الباب تُفاجأ بباب الشقة المقابلة يفتح .

تدهش!

تلتفت لأن الشقة لم تكن مسكونة لتجد أمامها
جرجس يخرج بعض المخلفات يضعها في
صفيحة القمامة .

تلتقى النظرات .. جرجس يبتسم لها بحياء .

جرجس : مساء الخير .

فاطمة : مساء الخير .

قطع



فاطمة داخلة إلى الشقة .

فرحًا .

فاطمة : إيه ده ؟ .. هو الشقة اللي قدامنا

سكنت يا بابا ؟!

محمود : أيوه .. الشيخ حسن .

فاطمة : الشيخ حسن .. لأ ما تقولش .. طيب

تيجى إزاي دى ؟ .. ده جاى كوسة أكيد !

محمود : سيبي أمك تعرف تقرا فى المصحف .

محمود : ادخلوا جوه !

زينب تقرأ القرآن وتبتسم لتعليق فاطمة .

يضحك .

طرق على الباب .. زينب وفاطمة يدخلان إلى

حجرة داخلية .

محمود يقوم ليفتح الباب ليجد أربعة قساوسة

أمامه يحملون بعض الصور المسيحية ..

يبتسمون .. يرتبك للغاية .

قس بطرس : مساء الخير يا أستاذ مرقص .

محمود : مساء الخير .

قس بطرس : أنا أبونا بطرس يوحنا .. كاهن

كنيسة ماري جرجس .

محمود : أهلاً وسهلاً .

قس بطرس : إحنا جايين لك يا أستاذ مرقص

عشان نقعد معاك شوية .

محمود : اتفضلوا .. اتفضلوا .

قس بطرس : وليم قالنا إنك كنت فى أمريكا

.. حمد الله ع السلامة .

محمود : الله يسلمك .

يدخلون .

يجلسون .

قس بطرس : إحنا يا أستاذ مرقص جايبين
نتعرف عليك ونصليك ، وإيه رأيك تطلع معنا
النهاردة دير البرامون نصلى البسخه مع بعض
ونعمل تمجيد .

مرتبًا .

محمود : بس أنا .. أنا لسه جاى من السفر
يا بونا .. قصدى لسه مارتبتش أمورى .

القسس ينظرون لبعضهم بعضًا فى نظرة يأس
منه .

بطرس ينظر للقس نظرة ذات مغزى تعنى أنه
ضعيف الإيمان .

قس بطرس : إنت آخر مرة اتناولت إمتى
يا مرقص ؟!

محمود : أنا .. الحقيقة .. ما اتناولتش !

قس بطرس : ما اتناولتش إزاي ؟!

محمود : اتناولت إيه بالظبط يعنى ؟! ..

أنا على لحم بطنى من الصبح .

بطرس ينظر إلى القسس الذين يشعرون بأنه
مسكين .

قس بطرس : طيب .. آخر مرة اعترفت فيها
كان امتى ؟!

محمود : أنا ما بخبيش حاجة .. ح أعترف بإيه ؟ ..
أنا راجل اللى فى قلبى على لسانى على طول .

مرتبًا .

قس بطرس : باين إنك فى أمريكا كنت عايش
حياة دنيوية مبتعد عن دينك وعن ربك .

محمود : آه .. آه .. المشاغل بره بتلهى الواحد .

قس بطرس : عشان كده .. إحنا جاينلك نصليك

صلاة القنديل .. ونباركلك بيتك ومراتك وعيالك .

بطرس ينظر إلى القسس الذين يشعرون أنه لا
أمل فيه .

رد فعل على وجه محمود .

قطع



خيطة على الباب .
بولس يفتح الباب ليجد أمامه أربعة رجال
ملتحين بينهم الشيخ مصطفى السنّي .
يدخلون ومعهم بعض البراويز عليها آيات قرآنية .
مرعوبًا .

مصطفى : السلام عليكم ورحمة الله وبركاته .
بولس : وعليكم السلام .
مصطفى : معلى يا أستاذ حسن إحنا جينا لك
من غير لا إحم ولا دستور .
بولس : وإحم ودستور ليه ؟ .. اتفضلوا .. خير .
مصطفى : إحنا ولاد حى واحد وجيران ، والنبي
عليه الصلاة والسلام وصى على الجار .
بولس : أنا متشكر ليكوا قوى .
مصطفى : خصوصًا فى الظرف اللى إنت فيه ؟!
بولس : ظرف إيه ؟!
مصطفى : يعنى .. إنت راجل مسلم وساكن فى
عمارة كلها مسيحيين .. مش عاوزينك تشعر بإنك
لوحدهك .. إحنا كلنا معاك .. وأهلك وإخواتك .
بولس : بس أنا ما اشتكيتش من حاجة .. ووليم
ده راجل طيب ومعرفة قديمة .
مصطفى : ما قولناش حاجة .. بس عشان تحل
بركة المسلمين فى البيت عندك .. ح نقرا لك
بعض الأوراد والأدعية اللى تحميك وتصونك من
شر الدنيا والآخرة ومن شر أعداء الإسلام .
بولس : أوراد !!
مصطفى : اتفضل يا عم الشيخ .

قطع



نرى بعض الصور المسيحية وقد علقت على الحائط .

القسيس يمارس صلاة القنديل .. يبخر الشقة ويستخدم القوس فى بعض الترانيم ، ومحمود كأنه معتقل فى الشقة لا يستطيع أن يسكتهم طبعاً .

ويقفون أمام صورة المسيح .. يشعلون خمس شمعات ويرشون البيت بالماء بعد الصلاة عليها .

قطع



زينب وفاطمة فى قمة التوتر فى الحجرة الداخلية .. خوفاً من أن ينكشف محمود أمام القسس .

قطع



نرى آيات قرآنية معلقة على الحائط .
الشيخ عثمان يجلس بأدعية وأذكار تشبه أدعية
النقشبندی .. وبولس يسمع ذلك مرغمًا .

صوت : اللهم يا مقلب القلوب ثبت قلبي على
دينك .. اللهم يا مصرف القلوب والأبصار
صرف قلوبنا على طاعتك .
اللهم زدنا ولا تنقصنا .. وأكرمنا ولا تهنا ..
وأعطنا ولا تحرمنا .. وأثرنا ولا تؤثر علينا .

ويعلو الصوت تدريجيًا في كل البيت .

قطع



ماتيلدا وجرجس في قمة الرعب في حجرة
جرجس لدخول الشيوخ على بولس .

قطع



رد فعل جورج وهانى ويوسف فى الشارع وبعض الناس قد التقوا ليسمعوا كل هذا ، وقد اختلطت الأوراد الدينية مع الترانيم المسيحية ، وحالة من الدهشة والاستغراب قد سادت الشارع.

قطع



محمود : نورت العمارة يا شيخ حسن .
بوئس : منورة بأهلها يا مرقص .
محمود : اتفضل .. اتفضل.
بوئس : لا والله .. اتفضل إنت الأول .

القساوسة خارجون .
والشيوخ خارجون .
وبولس واقفاً فى شقته على الباب .
وأيضاً محمود وقد بدا عليهما الانفعال الشديد .
ينظران لبعضهما بعضاً .. ثم يبتسمان .

يغلقان الباب بهدوء .

قطع



منظر عام للعمارة .. لنرى الشارع
العمارة من الخارج .. العمارة تبدو عريقة قديمة
.. مثل عمارات شبرا القديمة .

قطع



بلال صارخًا .

بلال : راح فين الشيخ حسن يا إخوانًا .. طلعه
قدامنا عشان يهدوا الناس .. وتانى يوم راحوا
جابه من الفجر .. إحنا مش ح نمشى من هنا إلا
لما تجيبولنا الشيخ حسن .

بوليس وأمن يحاصرون المكان .. والمسلمون
خارجون من الجامع فى شبه مسيرة .
رجل الأمن يكلمهم .

المقدم : يا إخوانًا .. الشيخ حسن عومل أحسن
معاملة عندنا ، وخرج بعد نص ساعة مع الشيخ
بلال وروح بيته ومحدث فرض عليه إنه يمشى أو
يسيب البلد إطلاقًا !

اعتراض من الواقفين .

قطع



محمود : إزيك يا حاجة ..
ماتيلدا : اتفضل .. اتفضل .
محمود : أنا كنت عاوز الشيخ حسن فى كلمتين !

بولس : السلام عليكم ورحمة الله وبركاته .
محمود : حرماً يا شيخ حسن .
بولس : الله يخليك يا مرقص .
محمود : شيخ حسن .. أنا من أول لحظة شفتك
فيها وأنا عارف إنت مين ! .. وجيت هنا ليه!
بولس : ما تخافش .. سرك فى بير ! أنا عملت
كده مُضطراً يا مرقص يا خويا !
محمود : أنا حاسس باللى إنت فيه .. الدنيا
مقلوبة عليك .. والأمن هو اللى خلاك تسبب لهم
البلد .. صح والا مش صح يا شيخ حسن ؟
بولس : أيوااه .. صح يا مرقص .. صح ..
إنت مسيحي طيب يا مرقص .. فين الشاى
يا أم عماد !
محمود : هوه إنت مش صايم يا شيخ حسن ..
النهاردة نص شعبان .
بولس : آه .. أنا ! .. أنا صايم طبعاً .. ده عشانك
إنت .
محمود : الكوبايتين !

بولس يبدأ الصلاة .
جرس الباب .. ماتيلدا تفتح .. فيدخل مرقص
ممسكاً بجريدة (الشيخ محمود) .

ينتظر بولس الشيخ حسن حتى يختم الصلاة
مسرّعاً .. على الطريقة الإسلامية!

جرس يكاد ينخلع قلبه من الخوف !.

يشير إلى الجريدة وعليها مانشيت ؟
فى المنيا تنادى بعودة حسن .
تنفس الصعداء .

تأتى ماتيلدا بالشاى .. يرتبك مرقص .

بولس : الاتنين عشانك .. اتفضل اشرب ..
إحنا كده أى ضيف يتقدم له كوبايتين .. واحدة
زيادة وواحدة سادة .

محمود : أصل الشاى بيرفع لى الضغط ..
معلش !

بولس : بياه تاخذ عصير .. عصير يا أم عماد .
محمود : لأ .. أصل العصير بيرفع لى السكر .

بولس : عاوز تكسفها برضه .. والله لانت
شارب .. طب شوية ميه تبل ريقك .

محمود : لأ أصل أنا .. معدتى واجعانى يا شيخ
حسن .. خليها لبعده المغرب أباه آجى أفطر
معاك يا شيخ حسن .. سلاموا عليكم .

بولس : مسيحي طيب مرقص ده .

ماتيلدا : شوف لك حل فى ابنك ده ؟

بولس : ماله جرجس .

ماتيلدا : كل يوم ينام لحد العصر ومستقبله
ح يضيع .

امسك .. كلم اللواء مختار يتصرف .. ينقله
جامعة القاهرة بدال ما السنة تضيع عليه .

يخرج مهرولاً .

تدخل ماتيلدا منفعة .

ماتيلدا تعطيه التليفون .

بولس يمسك التليفون .

قطع



مشهد يظهر الحالة الأمنية المتوترة .
عدد من ضباط البوليس والجنود يحيطون
بالمحطة .
زحام .. وحالة توتر كبيرة فى المحطة .

قطع



مشهد لعدد من الضباط وقد سادت حالة من
الرهبية لإخلاء المترو .

قطع



حالة ارتباك وتوتر شديدة داخل النفق .
عدد من الضباط وخبراء المفرقات يجلسون
أمام قنبلة اكتشفها البوليس ويريدون أن يبطلوا
مفعولها، ونرى أحد الخبراء يذكر نوع القنبلة
ومدى تأثيرها وتوقيتها .

الخبير : عبوة ناسفة فيها بلى ومسامير وبارود
صناعة يدوية!

القنبلة بها عداد يحدث تكات متتالية تبعث
شعوراً بالرغبة على المكان .
اللواء مختار يمسح عرقه فى قلق .
يأتى فوزى حاملاً تليفوناً ومصباحاً مقترباً من
اللواء مختار .

فوزى : واحد بيقول عاوز سعادتك فى مسألة
خطيرة!

مختار : خطيرة إيه دلوقتى يا فوزى!

فوزى : اسمه حسن العطار!

مختار : حسن العطار مين؟!

قطع



بولس يتحدث فى التليفون .

ما تيلدا : قول له الواد ح يروح الجامعة إزاي ؟
إحنا خلاص جينا مصر .. سيينا المنيا .. لازم
يشوف لنا حل !
بولس : قول له عاوزين ننقل ورق الواد جرجس
اللى هو عماد جامعة القاهرة .. ياعم إديهولى
أكلمه أبوس إيدك .

قطع



السكرتير يقدم التليفون للواء مختار .
الواء مختار يتحدث فى التليفون .

الواء مختار : آه .. أيوه أيوه .. حاضر ؟
خلاص خليه يوم الأحد يروح يقابل عميد الكلية
.. ورقه ح يكون هناك .

قطع



بولس يتحدث فى التليفون .

بولس : أيوه يامختار بيه .. يعنى يروح لعميد الكلية يقول له إنه عماد ولا جرجس ؟. ما هي تفرق .. لو دخلت علينا الامتحانات وجرجس ما دخلش الامتحان وسقط .. وعماد هو اللي دخل الامتحان ونجح نبأه عملنا إيه ؟. ما أنا عارف يا سيادة اللواء .. عماد هو جرجس .. إنما .

قطع



نرى قلق اللواء مختار وهو ينظر إلى تكات القنبلة والمؤشر يتحرك .

مختار : يا سيدى خليه بس يروح يحضر محاضراته بأى صفة وأنا ح أرتب كل حاجة!

قطع



بولس يتحدث فى التليفون .

بولس : معلىش أنا بأنتاقل عليك .. ولعلمك أنا
ما بارضاش أكلمك عشان عارف مشغولياتك ..
إنما أنا قلت الساعة دى تلاقىك رايق وفاضى
فقلت أكلمك عشان ترسينى أعمل إيه ؟
ماتيلدا : إديهولى أكلمه .
بولس : خدى .. المدام عاوزه تكلمك .

بولس يعطى سماعة التليفون لماتيلدا .

قطع



اللواء مختار مستاء .

مختار : بس أنا .. أيوه .. أيوه يا ستى .. حاضر ..
.. والله ما تقلقوا من حاجة .. اطمنى خالص .

تكات القبلة وقد بدا المؤشر فى اتجاه الزيرو .

قطع



جرجس يدخل وقد بدا أنه يمسح عينيه .. ولتوه
قام من نومه .

بولس : أهو الشملول صحى يا سيادة اللواء
.. مقضيها نوم .. تعالى يا جرجس اشكر عمك
اللواء مختار .

قطع



مختار : خلاص خلاص يا أخ بولس .. والله العظيم ح أعملك اللي إنت عاوزه .. أيوه يا جرجس .. اطمئن يا حبيبي .. كل حاجة ح تمشى زى الفل!

فوزى : الحمد لله يا باشا .. القنبلة انفجرت بنجاح وكلنا زى الفل بس الخبير مش لاقين دماغه.

الجميع يجرون فى فزع وأولهم اللواء مختار .
انفجار القنبلة .

فوزى آتياً وقد ظهر بشعره المنكوش وآثار هباب القنبلة على وجهه سعيداً للغاية .

قطع



أتوبيس الكلية .. الطلبة والطالبات .
جرجس جالسًا .. وفاطمة واقفة تحمل الكتب ،
والأتوبيس مزدحم .
جرجس ينظر لها مبتسمًا .
فاطمة تبتسم له .

جرجس : مريم بنت الأستاذ مرقص !
فاطمة : إنت عماد .. مش كده؟
جرجس : تعالى اقعدى .
فاطمة : خليك مستريح .
جرجس : لأ .. اتفضلى .. اتفضلى !
آداب انجليزى .. مش كده !
فاطمة : أيوه .. وعرفت منين ؟
جرجس : بابا قال لى !
فاطمة : وانت صيدلة .. مش كده ؟

فاطمة تجلس .. وعماد واقفًا .

عماد يندهش .
فاطمة تبتسم .

بابا قال لى برضه .
جرجس : أبهات اليومين دول ما بتتبليش فى
بقهم فوله .

يضحكان .. الأتوبيس يصطدم بمطبخ يحدث
هزة .

فاطمة : خليك .. خليك .. الكرسي يساعنا
إحنا الاتنين .

عماد يسقط بجوارها جالسًا .

قطع



الكاميرا تستعرض جامعة القاهرة من الساعة
والقبة لثرى وصول الأتوبيس أمام الجامعة .
تنزل فاطمة ونرى جرجس فى الشباك .
ونظرة حانية وابتسامة جميلة منهما وهى تشير
له بعذوبة وبراعة .. وهو أيضاً .

قطع



أحمد متولى .. طالب زميل جرجس يعطيه بعض
المذكرات .

أحمد : امسك يا عمده .. صورت لك كل اللي
فاتك .

جرجس : ألف شكر يا بوحמיד !
أحمد : على إيه يا عم .. الورق كتير بس النفس
اللى تذاكر !

نانسى : هاى يا أحمد !
أحمد : نانسى .. أعرفك .. عماد حسن العطار
زميلنا .. لسه منقول من جامعة عين شمس .
نانسى : فرصة سعيدة .

تدخل فتاة جميلة .. نانسى .
أحمد يتهلل وجهه فرحاً .

يسلم عليها .. يرى الصليب فى رقبته ..
بيتسم !

جرجس : أنا أسعد !

قطع



ماتيلدا : ما تكلم الكنيسة بيعتوك فلوس يا بولس .. ما هم عارفين الظروف اللي إنت فيها ؟!
بولس : ما أقدرش آخذ فلوس ما اشتغلتش بيها يا ماتيلدا .

ماتيلدا : وبعدين ح نعمل إيه يا بولس ؟! ربنا ينتقم من اللي كانوا السيب فى الشحطة اللي إحنا فيها دى !

بولس : ح أشغل يا ماتيلدا .. الشغل مش عيب .

ماتيلدا : خد دول يا بولس اتصرف فيهم .. مين له نفس يلبس ذهب فى الظروف دى ؟!

ماتيلدا وبولس فى قمة الإحباط والحزن .

بولس ينظر فى إحباط إلى الحائط حيث معلقة على الحائط آية قرآنية : (وقل اعملوا فسيرى الله عملكم ورسوله والمؤمنون) (التوبة : 105) .

ماتيلدا تحضر شكمية الذهب وتعطيها له .

نظرة امتنان من بولس .

قطع





محمود يخرج بعض الحلى الذهبية من كيس
ليعطيههم لجورج .

محمود : إنت عارف يا جورج إنى أخذت المحل
اللى جنبك إيجار من وليم شحاته ، وعشان أفتح
وأوضب محتاج فلوس .

جورج : وتبيع الذهب ليه يا مرقص .. لو عاوز
فلوس أنا تحت أمرك .. وأهو نبأه سُركا .

محمود : لا .. أنا .. أصلى ما حبش الشراكة
يا جورج .

جورج : والله إنت حُر يا مرقص .

محمود : هو جرام الذهب بكام ؟

جورج : 195 جنيه .

محمود : مش قليل .

جورج : صدقتى ده عشانك إنت يا مرقص ..
ده أنا ما خصمتش المصنعية .

إيه ده يا مرقص .. مصحف ؟!

محمود : لا .. ده .. أنا كنت أخذته كده خلصان
حق .

بولس : مساء الخير .

محمود : أهلاً يا شيخ حسن .. اتفضل .

جورج بيدأ فى وزن الذهب .. تطلع فى يده سلسلة
بها مصحف .. يندهش !
مرتبكاً .

جورج يضع المصحف على الميزان .
يدخل بولس .

جورج يبدو مستاءً بعض الشيء .

جورج : أوامر يا أستاذ حسن .

بولس : كان بس عندي حنتين ذهب عاوز
أتصرف فيهم يا جورج .

جورج : طيب أخلص الأستاذ مرقص .

محمود : لا والله .. خلص الشيخ حسن الأول
يا جورج .. أنا ما ورايش حاجة .

بولس : ما يصحش يا راجل .

جورج : هات يا أستاذ حسن .. ورينى .

يبدأ فى وزن الذهب فتخرج سلسلة بها صليب .
مرتبكاً .

إيه ده يا شيخ حسن .. صليب !

بولس : لا .. ده أنا كنت أخذته كده خلصان حق

.. هوه جرام الذهب بكام .

جورج : 155 جنيه .

ما أنا خصمت المصنعية !

محمود ينظر نحوه مندهشاً .

قطع





جرجس وأحمد ونانسى فى المعمل بالبالتو الأبيض .
أحمد ونانسى يتبادلان النظرات فى المعمل وعماد بينهما .. يرتدون البلاطى البيضاء .

جرجس : إيه يابنى .. فيه إيه ؟
أحمد : خليك فى حالك يا عمدة !
جرجس : إنت فيه حاجة بينك وبين نانسى ؟
أحمد : أنا وهى بنحب بعض من سنة أولى .
جرجس : بتحبوا بعض إزاي ؟ هى مش مسيحية و أنت مسلم !
أحمد : أيوه .
جرجس : بس ده حرام .. قصدى يعنى أخرة الحب ده إيه ؟
أحمد : أخرته الجواز .
جرجس : لا يمكن .. ربنا ما يرضاش بكده يا أحمد .
أحمد : إيه اللى حرمه .. الشرع بيسمح لنا بكده .
جرجس : لأ .. الشرع عمره ما يسمح بكده .. قصدى يعنى هى إزاي تقبل حاجة زى دى .. هى اتجننت .. و أنت فاكر إن أهلها ح يوافقوا ولا الكنيسة ح توافق .. ده الأقباط يقبلوا الدنيا !

مندھشاً .
فى ضيق .

قطع



أذان المغرب .. وقد وضع الطعام على الترابيزة
والشيخ محمود يأكل البلح .

محمود : اللهم إني صمت وعلى رزقك أفطرت .
زينب : صوماً مقبولاً يا محمود .
فاطمة : يا بابا مش كفاية صوم رمضان ونص
شعبان كمان اتين وخميس .. ما تقدرش إنت
على كده!
محمود : صوموا تصحوا يا فاطمة . وبعدين
إنتي فاكراني عجزت .. ده أنا لولا الظروف اللي
إحنا فيها كنت اتجوزت على أمك .

محمود : أهلاً .. أهلاً .. إزيك يا أستاذ وليم
.. خطوة عزيزة يا شيخ حسن .. إيه المفاجأة
الحلوة دي .

بولس : إيه ده ؟ إنت لسه ما اتغديتش لغاية
دلوقت يا أستاذ مرقص .

محمود : اتفضلوا .. اتفضلوا معايا .

وليم : متشكر .. أنا صايم يا مرقص .. ما إنت
عارف الصوم الكبير .

محمود : طيب اتفضل إنت يا شيخ حسن .

بولس : أنا لسه فاطر يا مرقص .. المغرب
لسه مآذن .

محمود : ربنا يتقبل يا شيخ حسن .

يضحكون .

يطرق الباب .. يفتح ليجد أمامه وليم شحاته
وبولس .. يرتبك .

وليم : شوف بأه يا مرقص .. أنا ملاحظ إنك
من ساعة ما أجرت منى المحل .. لا وضبتّه ولا
عملت فيه حاجة ؟!

محمود : الظروف صعبة شوية اليومين دول
يا أستاذ وليم .

وليم : وإيه اللي صعيبها .. لو معذور فى فلوس
.. محلولة نجيب لك حد يشاركك وأهو القفة أم
ودنين يشيلوها اتنين .

محمود : ما هو جورج الجواهرجى كلمنى فى
الموضوع ده .. وأنا قلت لأيا أستاذ وليم .

وليم : جورج مين ؟! أنا جايب لك شريك تانى
.. جارك الراجل الطيب ده .. الأستاذ حسن
القطار.

مندهشاً .

محمود : الشيخ حسن .

بولس : المهم يكون برضاك يا مرقص .

محمود : برضايا ! .. ده أنا أتمنى يا شيخ حسن
.. هوه أنا ألقى شريك أحسن منك .

بولس : وأنا ليا الشرف يا مرقص .

وليم : ياللا حطوا إيديكم فى إيدين بعض
وبركة ربنا تحل عليكموا .

تتلاقى الأيدي .

محمود يتمم (هامساً) بقراءة (الفاتحة)
وبولس يتمم (هامساً) بقراءة (آيانا الذى فى
السموات) .

قطع



لمحل متهالك قديم يتحول إلى مخبز .
عمال يشتغلون .. وحسن ومرقص يتعاونان في
تحويل المحل إلى مخبز نظيف .. نرى لقطات
لهما .

يأكلان معاً فول وطعمية !
يمسحان العرق بعد تعب يوم طويل .
يضحكان معاً على باب المخبز .

قطع



حسن ومرقص فى أروقة المكاتب ..
يروحان ويجيئان وفى يدهما الأوراق حتى ينتهى
بهما المطاف عند مكتب أحد الموظفين .

الموظف ينظر للأوراق بضيق .

حسن ومرقص ينظران لبعضهما بعضاً فى يأس
وإحباط .

قطع

الموظف : نعم !

بولس : عاوزين إمضة سعادتك والله !

الموظف : موافقة على مخبز!

محمود : إن شاء الله .

الموظف : وايه اللي جابكوا هنا .. إنتوا لازم

تروحوا المديرية .

محمود : ما إحنا لسه جايين من المديرية ..

قالولنا نيجى على هنا !

الموظف : وفين موافقة الأمن الصناعى ؟!



ملاك موظف مسيحي .

محمود : يا أستاذ ملاك إحنا دوخنا السبع
دوخت .. ودى سابع مرة نجيلك وتبعتنا ..
وآخرتها!

منفعلاً .

بولس : إنت فاكّر صورة العذرا اللي إنت
معلقها دى ح تدخلك الجنة! طول ما إنت معطل
مصالح الناس .. لا يمكن ح توردد على جنة!
ملاك : طيب إيه رأيك بأه عشان خاطرك إنت
.. أنا مش ح أمشيلك الورق .

محمود : ما يصحش يا أستاذ ملاك .. الشيخ
حسن أصله واقف على رجليه من صباحية ربنا ..
اهدا يا شيخ حسن .. اهدا .. إن الله مع الصابرين .

قطع



نرى لافتة مخبز الإخلاق .. وطواير العيش
أمام المخبز .. سيارة نصف نقل تقف أمام
المخبز .. ينزل منها السائق وهو يحمل شكاير
الدقيق ويدخل إلى المخبز .
السائق هو بدوى .. شاب فى الثلاثينيات من
عمره .

قطع



بدوى يدخل إلى حيث الفرن .. والعجين .. ويضع
الأشولة على جانب .. ونرى رزق (العجان) يقوم
بعمله .. ويعجن الدقيق .

بدوى يناوله سيجارة ملفوفة .
رزق يأخذ السيجارة ويضعها خلف أذنه .

بدوى : اصطباحتك عسل يا رزق !

رزق : سيبنى فى حالى ده أنا عميان من ليلة
إمبارح .. مش شايف قدامى .

بدوى : يا عم هو إنت بيهمك .. أصحاب
المخبز مدلعينك آخر دلح !

رزق : هوه فين الدلع ده .. ده أنا كفران فى
الشغل .

بدوى : كفاية عليك عمك مرقص .. لو عملت
إيه مش ح يرفدك .. ما انتوا الاتنين قبط زى
بعض !

رزق : مرقص .. أعوذ بالله .. ده كل يوم يمشينى
والشيخ حسن هو اللى يرجعنى !

قطع



بجوار المخبز (مخبز الإخلاص) يوجد محل
جواهرجي جورج .. وعلى الناصية الأخرى سوبر
ماركت قباء .

جورج يخرج من محله ذاهباً إلى محمود .

هامساً :

جورج : مبروك يا مرقص .
محمود : الله يبارك فيك يا عم جورج .
جورج : يعنى لو كنت عاوز شريك فى المخبز
ما أنا كنت قدامك بدال ما تروح لواحد زى حسن
الطارده !
محمود : ماله حسن الطارده ؟!
جورج : أنا قصدى يعنى .. تضمنه منين ده
يا مرقص .. ده مسلم .. تسيب المسيحي اللي
من دينك وتروح تشارك المسلم .
محمود : خليك فى حالك يا عم جورج .
جورج : عموماً أنا قلت لك وإخلاص .. حرّص
منه يا مرقص !

مصطفى : مالفيتش إلا مرقص تشاركه .. ده
مسيحي .. شوف حصته اللي دفعها كام واديها له ،
وأنا أخش معاك عشان تحلل القرش اللي ح يجيلك .
بولس : هوه إحنا بنشتغل فى الحرام يا حاج
مصطفى .. ده إحنا بنشتغل فى العيش .. إحنا
فاتحين مخبز بييرة !
مصطفى : عموماً إنت حر .. اللهم بلغت ..
اللهم فاشهد .. بس لجل الأمانة حرّص منه !

قطع



في الصباح الباكر مقهى بجوار المخبز .
بدوى ورزق في كورنر من المقهى .. يشربان
الترجيلة .. رزق يضع قطعة حشيش صغيرة على
الشيثة .. ويشرب ثم يعطى لبدوى .

رزق : دماغى ح تتفرتك .. فيه حاجة كده مش
فاهمها بتحصل قدامى كل يوم!

بدوى : حاجة إيه ؟!

رزق : عم مرقص ده مش عارف مسيحي ولا
مسلم ؟!

بدوى : ده سؤال يا أهبل .. اسمه مرقص يبقى
إيه ؟!

رزق : كل يوم بييجى يقرا ع العجين أسمعه بيقرأ
قرآن!

بدوى : مرقص بيقرأ قرآن ! .. إنت اتجننت
ياد إنت .. هو عشان ما هو مضايقتك شوية ..
ح تطلعه مسلم .

رزق : المصيبة الثانية الشيخ حسن!

بدوى : ماله راخر .. طلع يهودى!

رزق : داخل عليه مرة لقيته بيرسم الصليب
على الحاجبين .. أول ما شافتى عمل نفسه
بيمسح عرقه!

بدوى : وله يا رزق .. بطل أبو صليبة اللى إنت
بتبلعه ده أحسن دماغك خلاص فوتت!

قطع



طرق على الباب .

محمود يفتح الباب .. يظهر جورج مرتدياً بدلة أنيقة وكرافات ، وأيضاً معه هانى ابنه مرتدياً ملابس رسمية .

يحملان باقة ورد وشيكولاته .

جورج : سعيدة يا مرقص يا خويا .

محمود : أهلاً يا جورج .. اتفضل .

جورج : معلش إحنا جينا فجأة كده .. بس إحنا أهل .

محمود : ده بيتك يا جورج .. ليه التعب ده ؟!

جورج : ما إحنا ما باركناش ع المخبز .. ومقصرين فى حقك يا مرقص .

محمود : ما تقولش كده يا جورج .. إزيك يا هانى ؟!

جورج : إزيك يا عمو .

محمود : ما شاء الله .. عاوزين نفرح بهانى بأه يا عم جورج .

جورج : ما إحنا جايين نفرح بيه يا مرقص .

هانى : عم مرقص .. أنا يسعدنى ويشرفنى إنى أطلب إيد الأنسة مريم بنت حضرتك .

محمود : إنت بتقول إيه .. بنتى أنا ؟!

هانى : أنا عارف إنها لسه ما خلصتش جامعة .

جورج : يا سيدى ح نعمل جبنويوت ونستناها لما تخلص .

مرقص لا يفهم شيئاً من الجملة .

محمود وكأنه صفع على وجهه .

صارخًا .

محمود : جبنوت مين ؟!

جورج : ما تهذا كده يا مرقص جبنوت
وبعديها بأسبوعين نعمل نص أكليل يلبسوا الدبل
وتأخذ شبكتها .. وهانى يستناها لحد ما تخلص
جامعتها وبعدين نعمل أكليل .

محمود : لا نص ولا ربع .. ولا جبنوت .. أنا
بنتى مش ح تتجوز دلوقت خالص .

جورج : إنت بتعمل كده ليه يا مرقص .. هوه
هانى ابنى عيبه إيه ؟!

محمود : ما ينفعش .. ما ينفعش يا جورج ..
والموضوع ده تشيلوه من دماغكوا خالص .

بولس : فيه إيه يا إخوانا .. صوتكوا جايب آخر
الشارع .

محمود : تعالى إحضرنا يا شيخ حسن ..
الأستاذ هانى جاى يتجوز بنتى .. بنتى أنا ؟!

جورج : وايه الغلط فى كده يا مرقص وماله ..
إحنا داخلين من الباب .

بولس : إذا كنت يعنى عاوز البنت تكمل تعليمها
.. اعمل جبنوت .

محمود : ده ح يقوللى جبنوت برضه !

جورج : أنا مش عارف بيعمل كده ليه ؟!

بولس : خلاص .. خلاص يا عم جورج .. سيب
الموضوع ده عليا ؟! مرقص أصله عصبى شوية
اليومين دول .. مشاكل المخبز ما بتخلصش .

جورج : عمومًا متشكرين يا مرقص .. ياللا
يا هانى .

بولس : إيه بس يا مرقص .. هو الراجل قال
يتجوزها .. ده يعمل جبنوت .

محمود : جبنوت إيه يا شيخ حسن ؟!

بولس : وانت إيه اللى مضايقتك من الجبنوت
يا مرقص ؟!

طرق على الباب .. يدخل بولس .

صارخًا .

يخرجان ومحمود فى قمة الضيق .

قطع



جرجس وفاطمة طالعان إلى البيت .
في نزول جورج وهانى .

هانى ينظر نحو مريم نظرة ذات مغزى .
بينما جورج يتكلم وهو فى قمة الضيق .

جورج : ده راجل غريب .. أنا ما شففتش حد
كده فى الدنيا .. ده إحنا نشكر ربنا إن الموضوع
ما تمش .. ح تناسب واحد زى ده إزاي بس ؟
هانى : أنا عارف عمل كده ليه يا بابا ؟

فاطمة تندهش لأنهما لم يسلما عليها .. يقتربان
من المحل .

قطع



هاني : العروسة مشغولة .. فيه حد مالي
دماغها .

جورج : ما هو لو فيه حد كان أبوها قال .. ده
رفض كده من الباب للطاق !

هاني : ما هو ما يقدرش يقول .

جورج : وما يقدرش يقول ليه ؟!

هاني : عشان اللي مالي دماغها بياها عماد ابن
الشيخ حسن !

جورج : إنت بتقول إيه يا هاني! .. هي مسيحية
وهو مسلم .. إنت اتجننت !

هاني : هوه عم مرقص لما حب يشارك مش
شارك الشيخ حسن وفضله عليك يا بابا .

جورج : الكلام ده خطير يا هاني .. بلاش تولع
الدنيا !

هاني : الأيام ح تثبت إن أنا صح !

هاني وجورج .

قطع



محمود ينتهى من الوضوء فى الفجر خارجاً من الحمام إلى الصالة .
أذان الفجر بصوت جميل يأخذ الألباب .

محمود : مش قادر أسمع صوت الأذان وأنا قاعد هنا يا زينب ؟
الزوجة : ما تصلى هنا وأهوربنا يقبل صلاتك يا محمود .

محمود : الصلاة فى الجامع وحشتنى قوى .. بالذات صلاة الفجر .. أنا ح أنزل .
الزوجة : خللى بالك يا محمود لحد يشوفك وإنت داخل الجامع !

محمود : ربنا هو المعين يا زينب .
الزوجة : طيب تنزل بشويش ما تعملش حس !

على باب الشقة .. محمود يتسلل خارجاً وهو يحاول ألا يصدر صوتاً .

قطع



جرجس يكمل ارتداء ملابسه وهو فى قمة التوتر .

بولس : ياللا يا جرجس .. ياللا !

جرجس : أنا جاهز أهوه يا بابا .

ماتيلدا : عاوزه آجى معاكو القداس !

بولس : خليكى إنتى يا ماتيلدا .. أنا وجرجس ح

نصليلك وح نولعلك شمعة فى الكنيسة .

ماتيلدا : أوعى حد يشوفك يا بولس .. ربنا

يحافظ عليك .

جرجس وبولس ينزلان بهدوء .

قطع



بولس وجرجس يفا جئان بوجود محمود .. كلاهما
يتوتران تمامًا .

بولس : صباح الخير يا مرقص .
محمود : إزيك يا شيخ حسن .
بولس : إيه على فين العزم بدرى كده ؟!

أذان الفجر .
يبلع ريقه .

محمود : رايح .. رايح أصلى !
بولس : وإحنا كمان رايحين نصلى .. اتفضل
.. اتفضل .

يخرجان من المنزل .

قطع



بولس : إنت بتروح القداس كل يوم يا مرقص؟!
محمود : نعم .. أه .. على قد ما بقدر!
بولس : ربنا يدريك على قد إيمانك يا مرقص .
محمود : إنت ح تصلى الفجر فين يا شيخ
حسن؟!
بولس : فى الجامع!
محمود : أيوه .. فى أنهو جامع؟
بولس : أنا أصلى إنت عارف لسه ما أخذتش
على المنطقة .. هوه الجامع فين؟!
محمود : أهوه فى آخر الشارع هناك .
بولس : اللى قدام الكنيسة .
محمود : أيوه!
بولس : ببقى طريقنا واحد!

بولس ومحمود وجرجس يخرجون .

يمشيان .. وهما صامتتان تمامًا وقد لف الموقف
حالة من التوتر .
الكاميرا تستعرضهما من ارتفاع كبير فى
إحساس بالضيق .

قطع



بولس يقف أمام الكنيسة والجامع وبجواره
جرجس .. ومحمود أيضاً .. ثلاثتهم لا يعرفون
ماذا يفعلون!

بولس : طيب .. ابقى صليتنا يا مرقص .
محمود : اتفضل .. اتفضل يا شيخ حسن ..
أحسن الصلاة بدأت .
بولس : ياللا يا جرجس .
جرجس : ياللا فين؟!
بولس : ياللا يا جرجس .. ياللا!

وليم شحاته يرى مرقص يأخذه ويدخلان إلى
الكنيسة ، وقد تورط كل منهما فى الدخول .
هامساً .

نرى الشيخ مصطفى السنى ورجاله داخلون إلى
الجامع يرون الشيخ حسن .
يأخذه من يده بعنف متجهان إلى الجامع ..
يدخل محمود إلى الكنيسة وبولس وجرجس إلى
الجامع .

قطع



الإمام ينهى الآية ثم يبدأ فى الدعاء .

الإمام : (وَلَتَجِدَنَّ أَقْرَبَهُمْ مَّوَدَّةَ لِلَّذِينَ آمَنُوا الَّذِينَ قَالُوا إِنَّا نَصَارَى ذَلِكَ بِأَن مِنْهُمْ قَسِيصِينَ وَرُهْبَانًا وَأَنَّهُمْ لَا يَسْتَكْبِرُونَ) (صدق الله العظيم)
(المائدة : 82) .

بولس داخلاً هو وجرجس يخلعان الحذاء ، وهما فى قمة التوتر .

الإمام : اللهم أهدنا فيمن هديت ، وعافنا فيمن عافيت ، وتولنا فيمن توليت ، وبارك لنا فيما أعطيت، وكف عنا اللهم شر ما قضيت .
الجميع : آمين .

بولس يرفع يده ! .. جرجس ينظر نحوه ولا يعرف ماذا يفعل !

بولس : يارب الحال فى كل مكان والمائى كل مكان ولا يحويه مكان .. اسمع صلاة ابنك بولس .. ماتسبنيش ولا تتخلى عنى .

قطع



القس يوعظ في الكنيسة .

القس : ليتأف الله علينا ، ويرحمنا ، ويظهر
وجهه علينا ، ويباركنا بالصلوات والطلبات التي
ترفعها عنا العذراء القديسة مريم .. امضوا
بسلام .. سلام الرب معكم .
الجميع : ومع روحك أيضاً .
محمود : اللهم ألف بين قلوبنا ، وأصلح ذات
بيننا ، وأهدنا سبيل السلام ، ونجنا من الظلمات
إلى النور .

بصوت عال .
دعاء محمود .

قطع



منظر عام للكنيسة والجامع والشارع .

قطع



المصلون يسلمون بعد الصلاة .

أحدهم يسلم على بولس .

أحدهم يسلم على جرجس .

يغمغم بكلمات غير مفهومة .

هامسًا .

فى خوف .

أحدهم : يتقبل الله .

الأخر : منا ومنكم .

أحدهم : تقبل الله .

بولس : منا ومنكم!

أحدهم : يتقبل الله .

جرجس :!

بولس : إنت بتقول إيه ؟!

جرجس : أنا عارف!

قطع



فاطمة وجرجس على دكة فى حديقة فى الحرم الجامعى .

جرجس : فيلم جامد .. جامد (حين ميسره)
.. اسمعى كلامى نروح نشوفه من ثلاثة لسته ..
وسمية مبدعة فى الفيلم .. لابسة بدلة رقص
حكاية .

فاطمة : ومين البطل قدامها ؟

جرجس : غادة عبد الرازق ؟

فاطمة : بقولك البطل اللى بتحبه !

جرجس : ما هى بتحب غادة عبد الرازق فى
الفيلم! .. ما هو ده الجديد .. أنا أصلى بحب
السينما قوى .. مفيش فيلم ينزل إلا لازم أشوفه .

فاطمة : طيب أخلص المحاضرة اللى عندى
وأجيلك .

شاب : السلام عليكم ورحمة الله بركاته .

شاب 1 : الأستاذ عماد حسن العطار .

عماد : أيوه .

شاب 2 : ابن الشيخ حسن العطار .

فاطمة تمضى وعماد ينظر فى أثرها معجباً .

عماد يلتفت ليجد خلفه أربعة طلبة اثنين ملتحين
واثنين غير ملتحين ، ويبدو أنهما من الجماعات
الإسلامية الموجودة فى الجامعة .

مرتبكاً .

مرتبًا .

عماد : أيوه .

شاب 1 : دوختنا وراك يا شيخ ؟

عماد : أيوه !!

الشاب : أنا عبد النبي طه .. مقرر أسرة شباب
الإسلام .

عماد : أيوه .

الشاب : إنت عارف يا أستاذ عماد إن انتخابات
اتحاد الطلبة الأسبوع اللي جاى .. وإحنا بنكوون
الكوادر اللي ح تكمل المسيرة بتاعتنا من بعدنا .
عماد : أيوه .

الشاب : إحنا عاوزينك معنا .

عماد : أنا تحت أمركوا .

الشاب : وعاوزينك ترشح نفسك من خلالنا
فى أسرة شباب الإسلام .. وأظن اسم الوالد
الشيخ حسن العطار كفاية عشان نضمن نجاحك
ونجاحنا .. قلت إيه !!؟

عماد يطلق ساقيه للريح .

قطع



كل منهما يلقي نكتة للآخر .

ينفجران في الضحك .

أثناء الضحك تقف سيارة من مباحث التموين .

ينزل منها ضابط وبعض الجنود وخمس أفراد ..

3 مفتشين وواحد من الصحة وواحد من الغرفة التجارية .

محمود وبولس يقفان .

يدخلون على المخبز .

بولس ومحمود الاثنان معاً .

الضابط : مين اللي مسئول هنا في المحل ؟

الاثنان : أنا !

الضابط : اعمل محضر غلق وشمع المخبز ..

واقبض على مدير المحل .. مين فيكوا المدير ؟

الاثنان : أنا !

محمود : لا يا باشا .. أنا المدير !

بولس : لأ يا حضرة الضابط .. أنا المسئول

هنا !

الضابط : ما تتعازموش قوى على بعض .. دى

قضية فيها حبس وغرامة .. اتفضلوا معايا !

بولس ومحمود يطلعان إلى اليوكس .

قطع



بولس ومحمود فى البوكس .
بولس يخرج الموبايل من جيبيه .

بولس : آلو .. أكلم مختار بيه .. أنا حسن ..
حسن العطار!

قطع





كردون عساكر والكويرى واقفًا وحالة تأهب أمنى
قصوى لمرور شخصية مهمة .
اللواء مختار واقفًا بنفسه فى الإجراءات الأمنية
.. عسكرى (فوزى) يقترب منه وفى يده موبايل .

العسكرى : تليفون يا باشا .
مختار : ده وقته يا فوزى .. إحنا فى إيه والا
فى إيه ؟
العسكرى : ده واحد اسمه حسن العطار بيقول
إنه يعرف سعادتك وعاوزك فى حاجة خطيرة .
مختار : نعم !
حسن مين ؟! مخبز إيه ؟ أنا مش فاهم منك
حاجة .. آه .. بولس .. إنت فين ؟!

يأخذ التليفون .

رد فعل على وجه العسكرى فوزى حين يسمع
اللواء يقول بولس .

قطع



بولس يتحدث في المحمول .

بولس : أنا في البوكس يا باشا طالعين
على قسم روض الفرج .. أنا عارف المشاغل
يا سيادة اللواء .. كان الله في عونك .. بس
مكالمة من سعادتك للقسم عشان يخرجونا ربنا
يحافظ عليكوا .

قطع



مختار يتحدث في المحمول .

مختار : اطمن يا بولس .. مفيش أى مشكلة ..
ح ترجع البيت حالا .

مختار يغلق التليفون ويعطيه للعسكري فوزى .


قطع



محمود يهمس فى التلفزيون .

محمود : قول له مرقص .. مرقص ملاك ..
هوہ عارفتى .. سعادتک قول له بس إنى عاوزہ
فى مسألة خطيرة !

قطع





مختار : مرقص مين .. ما أنا لسه رادد عليه !
العسكري : لا يا فندم .. ده كان اسمه حسن
وسعادتك قتلته يا بولس .

مختار : مرقص .. اديهولى .. أيوه يا شيخ
محمود .
آلو .. فى البوكس .. مخبز .. إنت مش لسه
مكلمنى !
ضابط : الموكب وصل يا باشا !

مختار يتكلم مع العسكري فوزى .
رد فعل على وجه العسكري فوزى .

يمر ضابط مسرعاً .
مختار يعطى التليفون مسرعاً بعد أن يفلقه
لفوزى .. يمر الموكب .. يعطى التحية العسكرية
للسيارة التى تمر .

قطع



جرجس وفاطمة وأحمد ونانسي يشاهدون فيلم «حين ميسرة» وكلهم منقجرون فى ضحك هيسثيرى.. جرجس وأحمد يجلسان على الأطفاف وبينهما تجلس فاطمة ونانسي . أثناء الضحك .. الذى يصل إلى الدموع .. تتلاقى النظرات بين جرجس وفاطمة .. نظرات تشى بالحب البرىء الجميل . أحمد ونانسي يلحظان ذلك .. بيتسمان وقد فهما الموقف . يتحركون للخروج .. تتلاقى الأيدى بين جرجس وفاطمة .. وتبدو فاطمة مستريحة لهذا اللقاء الناعم وتترك يدها فى يده .

قطع



من يد جرجس و فاطمة المتشابكتين إلى يد بولس ويد محمود المقيدتين في كلايش ، وهما جالسان على دكة أمام مكتب الضابط في القسم وكل منهما ينظر بمرارة إلى الموقف .
للصول .

الضابط : وديلى الاتنين دول ع الحجز عشان بكره يتعرضوا على النيابة .
الصول : ياللا يا خويا إنت وهوه .. ياللا .

بولس ومحمود يقومان إلى الزنزانة .

قطع





جرجس وأحمد ونانسى وفاطمة خارجون من السينما بين المتفرجين جرجس يعطى أكياس الفيشار والعصير لفاطمة ونانسى .. وأحمد أيضًا .

جرجس يعطى فاطمة الفيشار فى فمها ، ثم يأخذه بمداعبة رقيقة .. ويمكن أن نرى هانى يلتقط لهما صورة Fix . جانبًا لنانسى .

جرجس وأحمد يتهامسان .

يشير بيديه إلى الصليب .

هانى خارجًا من السينما دون أن تراه فاطمة ولا جرجس .. وقد بدا أنه يراقبهما ويلتقط لهما صورة .

قطع

فاطمة : فيلم يجنن .. يجنن .

نانسى : الفيلم بس اللي يجنن !

فاطمة : إنتى تقصدى إيه ؟!

أحمد : قصدى يعنى هو حرام علينا وحلال

عليك يا عم عماد ؟!

جرجس : إنت تقصدى إيه ؟!

أحمد : مريم !

جرجس : مالها ؟!

أحمد : هى مش برضه .. مسيحية !

جرجس : مابسش بأه يا عمدة .

جرجس : لا .. لا .. الموضوع هنا مختلف .



نانسى وأحمد فى ترايبيزة وقد تشابكت أيديهما .
ثم نرى فاطمة وجرجس بعد أن وضعت أمامهما
البيتزا وأكلا والجرسون يحمل الأطباق .
ثم نرى يد جرجس تحاول أن تلمس يد فاطمة .
ثم نرى هانى يلتقط لهما الصورة . والأيدى تتشابك

قطع



قطع من يدي فاطمة وجرجس المتشابكتين إلى
يدي بولس ومحمود المتشابكتين « بالكلايش »
محمود نائمًا على الحائط وقد أنهكه التعب
وحسن نائمًا في حضنه عليه .. ملقى جسمه كله
عليه .. والاثنان يشخران بصوت عالٍ .. أحد
المجرمين يوقظهما بعنف .

بولس ومحمود يستيقظان مفزوعين .

المجرم : ما كفاية بأه يا أخينا إنت وهو .. فرقة
مزيكا .. فلقنوا دماغنا .. مش عارفين ننام .
محمود : ياه .. أنا ما حسيتش بنفسى !
بولس : ده أنا بكلمك لقيتك وقعت منى !
محمود : حلمت حلم غريب يا شيخ حسن !
بولس : خير يا مرقص .
محمود : حلمت إني بابص فى المرايا لقيت
واحد تانى غيرى مش أنا .. واحد غريب عليا ..
وكل اللى حوالياه ما عرفونيش ولا أنا كنت عارف
نفسى .
بولس : الله ! ده أنا حلمت نفس الحلم ..
ليكونوا فى السجن هنا بيصرفوا حلم واحد لكل
المساجين !
الشاويش : حسن ومرقص .. حضرة الطباط
عاوزكوا .

يدخل الشاويش .

قطع



بولس ومحمود يدخلان ليجدا أسرتيهما .
بولس يلقي بنفسه فى حضن ماتيلدا .. ثم يحضن
فاطمة بنت محمود .
ومحمود يلقي بنفسه فى حضن فاطمة لقاءً حاراً
.. النساء يبكين .. عناق بين الأسرتين .

بولس : بس .. بس ما تعمليش كده .. إنشاء الله
خارجين .. أنا مش عاوزك تقلقى !
محمود : وبعدين .. كفاية عياط بأه .. قُلْ لَنْ
يُصِيبَنَا إِلَّا مَا كَتَبَ اللَّهُ لَنَا .

لزئيب .

هُمَا مش فى القرآن الكريم يقولوا كده يا شيخ
حسن ؟!

بولس ينظر نحوه مندهشاً .. ومحمود يتدارك
الموقف .. متردداً .

بولس : ربنا يقوى إيمانك يا مرقص !
محمود : عماد .

جانباً .

جرجس : أيوه يا عم مرقص .
محمود : إنت دلوقتى راجل البيت يا عماد ..
خللى بالك منهم !

جرجس : دول فى عينيا يا عم مرقص .
الضابط : آلو .. أيوه يا باشا .. سيادة اللواء ..
تمام يا فندم .. أوامر يا باشا .. حسن ومرقص
.. هما قدامى دلوقت .. أوامر يا باشا .. عُلْم
وينفذ معاليك .
إفراج .

يرن التليفون .

بولس ومحمود وماتيلدا وجرجس وفاطمة وزئيب
يتوقفون .
يضع التليفون ثم ينظر لهما مبتسماً .

قطع



أكواب الشاي الأخضر والقرفة للنساء كما تقدم
 فى الفيشاوى فى البراد الأبيض أومنيا .
 والأسرتان جالستان فى سعادة غامرة .. ومطرب
 يعزف على العود أغنية عبد الحلیم حافظ (إنتى
 فىن وأنا فىن) .

صوت عبد الحلیم : إنتى فىن وأنا فىن جيت
 لى منين ..

مرقص : أنا قلت نقعد فى الفيشاوى عشان دى
 أحسن حتة بحب آجى أقعد فيها يا شيخ حسن ..
 جوها حلو .

بوتس : واللهى يا مرقص يا خويا .. قعدتنا
 جنب بعض على البُرش كانت من أمتع الأوقات
 اللى قضيتها فى حياتى .. أنا بافكر كل وىك إند
 نعملها !

زينب : ربنا ما يعودهاش تانى يا شيخ حسن!
محمود : ده كابوس .

ماتيلدا : إحنا جايين نحتفل بخروجكم
 بالسلامة .. اقللوا الموضوع ده بأه !

الأغنية : نظرة عين
 إلى آخر الكويليه !
محمود : ولا إيه يا مريم !

نظرات بين جرجس وفاطمة .

يضحكون .

فى نفس الوقت كان المطرب قد وصل فى الأغنية
 إلى كويليه .

فاطمة وجرجس ينظران إلى بعضهما نظرات
حب .. يلاحظها بولس ومحمود.

فاطمة : أيوه يا بابا .

محمود : إنتى فين يا بنتى .. إنتى مش معانا
ولا إيه ؟

فاطمة : لا .. بس سرحت شوية .

بولس : إيه يا عمده .. ورحت فين إنت كمان !

جرجس : الأغنية أصل كلامها حلوقوى ..
إنتى فين وأنا فين إيه ؟!

فاطمة : والأيام دى كانت غايبة عنى فين ؟!

الشاب : جرجس !

بولس : جرجس مين ؟!

الشاب : جرجس .. إيه يا بنى .. إنت مش عاوز
تكلمنى .. إنت بتدور وشك منى !

بولس : جرجس مين يا بنى .. ده مش جرجس

الشاب : إيه يا جرجس ؟

جرجس : يا عم ما قالك أنا مش جرجس .

الشاب : إزاي بس .

بولس : إزاي إيه ؟ .. هوه كده .. دى فيها فصال
.. اتفضل بأه .

بولس : أما والله دى حاجة عجيبه .. الناس
يا أخى ما تصدق تشوف واحد فيه شبه من حد
تعرفه يجرى عليه وإزيك يا فلان .. غريبة ..
بتحصل كتير .. ياما حصلت معايا .. أبقى ماشى
فى الشارع الألقى واحد راح واخذنى بالحضن
وهات يا بوس .. يا عم أنا مش هوه .

شباب جالس مع أسرته .. رجل وقور وسيدة ..
ينظر فيجد جرجس .. يقوم مسرعاً نحوه .
جرجس ينظر بعفوية .. ثم يدير وجهه فى قلق .
الشباب يأتى .. بولس يحاول إنهاء الموقف .

بولس يدفع الولد بعيداً فيذهب إلى حيث تجلس
أسرته مندهشاً .

الرجل والولد الشاب يتأمل بولس وهو يتكلم ..
ثم يقوم مسرعاً نحوه .
بولس يفاجأ .

الرجل : بولس .. الأخ بولس .
بولس : أهوه .. لسه كنت باقولكوا إيه ؟ مش ح
نخلص النهاردة !
الرجل : إنما أنا يا أخ بولس .
بولس : يا عم مش أنا .. مش أنا ؟!

الرجل يمضى متشككاً ومركص بدأ يتشكك هو
الآخر .

يدخل الشيخ بلال معه زوجته منقبة وابنه
الصغير إسلام إلى المقهى .. ثم فجأة يلمح
الشيخ حسن .

بلال : لا .. لا .. أنا زعق لى نبى .. ثلاثة بالله
العظيم أنا ربنا بيحبني .. شيخ حسن .
جرجس : الله أكبر .. تعالى يا شيخ بلال ..
تعالى فى حضنى يا شيخ بلال .
بلال : بأه ده كلام يا راجل .. تسيبنا كده يا
شيخ حسن من غير لا سلام ولا كلام .
إزيك يا عماد .. إزيك يا أم عماد .. إزيك يا شيخ
حسن !

بلال يجرى نحوه ويعانقه .

زوجة بلال تعانق ماتيلدا .. والشيخ حسن يأخذ
إسلام على رجليه .

يبدو الارتياح على وجه محمود

والله يا شيخ حسن ومالك عليا يمين من يوم ما
سبت البلد وزى ما تقول الرزق اتقطع فيها ..
وكآبة على وشوش الناس .. تصدق أنا جاي أزور
سيدنا الحسين وأدعى وأقول ربنا يعترنى فيك يا
شيخ حسن .. أهو الحسين بركاته حلت .. إزيك
يا شيخ حسن ؟!

بولس : ده إنت اللي بركاتك حلت يا شيخ بلال .
محمود : طيب أسيبك خمس دقائق يا شيخ
حسن مع الراجل الطيب ده وجاي علطول .

بوئس : على فين ؟!


محمود : ح أزور حبيبي واحشنى قوى بقاله
فترة مارحتلوش .

بلال : إنما يطلع مين الراجل البركة ده يا شيخ
حسن .

بوئس : ده أخويا وحبيبي مرقص عبد الشهيد .
بلال : مرقص !

منزعجا .

قطع





محمود : الفاتحة .. بسم الله الرحمن الرحيم ..
(اَلْحَمْدُ لِلّٰهِ رَبِّ الْعَالَمِينَ الرَّحْمٰنِ الرَّحِيمِ مَا لَكَ
يَوْمَ الدِّينِ اِيَّاكَ نَعْبُدُ وَايَّاكَ نَسْتَعِينُ اِهْدِنَا
الصِّرَاطَ الْمُسْتَقِيمَ صِرَاطَ الَّذِينَ اَنْعَمْتَ عَلَيْهِمْ
غَيْرِ الْمَغْضُوبِ عَلَيْهِمْ وَلَا الضَّالِّينَ) .


أمين .

بلال : يا سبحان الله .. شفتى يا أم إسلام
.. الشيخ حسن ده راجل بركة .. خلى مرقص
المسيحي يدخل المقام ويقرا الفاتحة لسيدنا
الحسين .. شفتى قوته .. شفتى جبروته .

محمود أمام مقام الحسين يدعو بعض الأدعية
فى خشوع وابتهاال .

يدخل بلال مع زوجته ليقرأ فى المقام ، وهو يقرأ
ينظر ليجد محمود يقول بعد أن ختم الفاتحة .
فيتدهش جداً .

قطع



يوسف وجورج وهانى ووليم شحاته وبعض جيران
العمارة .. يوسف يوزع عليهم صور عماد ومريم .

هانى : أهيه .. أهيه يا بابا عشان تبأه تصدقتى
.. عشان تصدقونى كلكم .. أنا ما بفتريش على
حد .. رايعين جايين مع بعض ومقرطسينا كلنا .
وليم : عيب يا هانى .. محدش يقول كلمة على
الأستاذ حسن وابنه .. دول ناس فوق مستوى
الشبهات .

جورج : اسمع يا وليم .. الراجل اللي اسمه
حسن ده لازم يمشى من العمارة .. هو أوس
الفساد .

وليم : يا إخوانا مقدرش .. مقدرش .. الراجل
ده جميله مغرقانى .

جورج : ترميله عفشه ويطلع من العمارة يا وليم .

مصطفى : هو مين اللي ترميله عفشه وتطرده
يا جورج ؟!

جورج : خليك فى حالك إنت يا شيخ مصطفى .

مصطفى : أخلىنى فى حالى إزاي ؟!

هو أنا مش معاكوا هنا فى الشارع .. اللي ح

يقرب من الشيخ حسن ح أقطع خبره .. إنتوا

فاكرين إيه ؟ اشتريتونا .. الشيخ حسن ح يقعد

فى شقته غصب عنكو وعن اللي خلفوكوا .

فى قمة الحيرة .

مصطفى السننى وبعض الرجال يسمعون ذلك
ويهمسون له .. فيأتى مسرعًا .

هاني : اتكلم كويس يا عم مصطفى .
مصطفى : بس ياد إنت .. أما الكبار يتكلموا
العيال تتخرس !

جورج : إنت راجل مش محترم .
مصطفى : أنا مش محترم يا سافل يا قليل الأدب .

تبدأ مشاجرة عنيفة بين فريق مصطفى السنى
وفريق جورج الجواهرجى .
الأسرتان عائدتان إلى الشارع الذى أصبح
مشتعلاً بسبب التشاجر بين المسيحيين
والمسلمين .
الشيخ مصطفى السنى وأعوانه وجورج يوسف
وأعوانه .

هاني : أهم جم .. قدامكوا جايين مع بعض
يا إخواناً .. يعنى متفقين .. الشارع والى وهمما
خارجين يسهروا مع بعض !
جورج : لم عزالك وامشى من هنا يا أستاذ
حسن .

بولس : وانت بتكلمنى بصفتك إيه يا جورج ؟
أنا مش ساكن عندك .
وليم : ما يصحش يا جورج .. يا إخواناً اهدوا .
مصطفى : اطلع شقتك يا شيخ حسن والراجل
منهم يقرب لك !
محمود : هوه فيه إيه يا إخواناً .. إيه اللى
حصل ؟!

هاني : اسأل بنتك يا عم مرقص .
محمود : بنتى .. مالها بنتى يا هانى ؟!
جورج : بأه ترفض هانى ابنى اللى اتقدم لها
ورايحة تحب واحد مسلم !
محمود : اخرس إنت بتجيب سيرة بنتى!

محمود يتصدى لجورج .. هانى يقف أمامه
للدفاع عن أبيه .

جرجس يتصدى للدفاع عن محمود .. هانى
يهاجم جرجس .

مصطفى ورجاله يتدخلون .. تحدث معركة فيها
تكسير المخبز .. وتسقط لافتة مخبز الإخلاص
وتدوسها الأقدام . والمعركة تنتهى بضربة قوية
على رأس جرجس يسقط مضرجاً فى دمائه .

ماتيلدا : ابنى !

ماتيلدا تصرخ .

قطع



توتالة عامة للمستشفى من الخارج .
مستشفى متوسط الحال من مستشفيات شبرا .

قطع





الطبيب : لا .. ما شاء الله يا عماد .. الظاهر إن الدم اللي اداهولك الأستاذ مرقص فيه الشفا .. إنت تقدر تروح .. مش ضرورى تبات فى المستشفى .
ماتيلدا : الولد كان ح يروح مننا .. نزف كتير وفصيلة دمه كانت نادرة لولا ربنا بعث لنا الأستاذ مرقص وطلعت فصيلة دمه نفس الفصيلة .. كُنا عملنا إيه ؟!

تريزا : اشكرى ربنا يا أم عماد !

بولس : دينك ده ح يفضل فى رقبتى طول عمرى .. يامرقص ياخويا .

مرقص : عماد ابنى يا شيخ حسن .

جرجس : أنا متشكر قوى يا عم مرقص .

عم مرقص .. أنا فيه حاجة مهمة لازم أقولها لك .
إحنا مش ..

بولس : إحنا مش عارفين نُعبر عن اللى جَوَّانا تجاهك يا مرقص .

جانيت : سلامتك !

الطبيب بعد أن قاس الضغط لعماد .
أم فاطمة تعطيه الزبادى .. وماتيلدا تغير له الشراب .. وفاطمة جالسة فى صمت ودمعة فى عينيها .
يخرج الطبيب .

يدخل بولس وينظر لابنه مبتسماً ومعه محمود ووليم شحاته .
لمرقص .

بولس فى يده كيس الدم .
جرجس ينظر إلى محمود فى إرهاق ووهن وامنتان .

محمود يذهب إلى عماد النائم فى السرير ، ثم يجلس بجواره ويقبّل رأسه بحنو بالغ .. ويربت على شعره .

رد فعل على وجه بولس وماتيلدا يزغران لعماد .
بولس يتخذ الموقف .

تدخل جانيت بالورد .

قطع



ماتيلدا وجرجس يحضران الحقائق .. وهما فى قمة التوتر .. وبولس جالساً يصرى .

جرجس : جورج الجواهرجى وابنه همّا اللى عملوا كده .. هما اللى ولعوا الخناقة وكبروا المشكلة !

بولس : إحنا خلاص مالنّاش عيش فى الشارع ده !

ماتيلدا : ح نفضل متشحططين كده علطول يا بولس .

بولس : إحنا نشكر ربنا يا ماتيلدا إنه أنقذ ابننا من الموت .. أنا اللى صعبان علياً مرقص .. ذنبه إيه ؟! هو ينقذ ابننا وإحنا نكون السبب فى إنهم يشوهوا سمعة بنته !

ماتيلدا : وأم مريم ح توحشنى قوى .. أنا حبيبتها زى ما تكون أختى شقيقتى .

قطع



محمود : كل ده بسبب مصطفى السنى بتاع
السوبر ماركت .. ذنبه إيه الشيخ حسن يا زينب
.. راجل فاضل وتقى .. عاوزين يطرده من
الشقة هوه ومراته وابنه ، وكانوا ح يموتوا الواد
اللى حيلته !

زينب : إحنا فعلاً مالناش قعاد فى العمارة دى
يا محمود !

فاطمة : يعنى ح نمشى ونسيبهم يا بابا من
غير ما نسلم عليهم ؟!

زينب : أم عماد ح توحشنى .. والنبي يا محمود
ما شفت جارة زيها أبداً .

محمود لزوجته وهى تحضر الحقائق مع ابنتها
فاطمة .

قطع



السيارة واقفة وهم بجوارها بعد لف وبحث عن
مكان يأوى الأسرتين .
ماتيلدا تهمس لبولس .

ماتيلدا : مش ح تكلم اللوا مختار ويشوف ح
نعمل إيه فى الوقعة اللي إحنا فيها دي ؟
محمود : باكلمه ما بيردش يا زينب .

يرد على زينب :
سيارة بدوى تمون من البنزينة .
الأسرتان جالستان فوق السيارة ، وقد بدا عليهما
الإرهاق .

بولس : مالك يا حبيبي !
جرجس : مالى يا بابا .. أنا باعيش أسعد
لحظات حياتى .

بولس : أسعد لحظات حياتك إزاي ؟
جرجس : عشان سيبنا جانيت بنت وليم شحاته .

بدوى : خلاص فُرجت يا عم حسن .. كلمت
كيمو صاحبي .. واد إسكندرانى سمسار شقق
ماجابتوش ولادة .. شقة مطرحين وفسحة ..
أول داير فى محرم بيه بألف وخمسمية جنيه فى
الشهر .

محمود : وإحنا ما لقيتلناش شقة يا بدوى .
بدوى : كويس اللي عترنا فى دي يا عم مرقص
.. أديكو قاعدين مع بعضيكوا لحد ما نشوف
حاجة تانية .

بولس يضحك .
بدوى آتياً وهو يتكلم فى الموبايل .
بدوى يذهب إلى محمود وبولس .

قطع



على السفرة .

جرجس وفاطمة يضمنان تراييزتين صغيرتين
إلى بعضهما بعضاً .
أم فاطمة وأم جرجس وفاطمة وجرجس يخرجون
من البلكونة .

زينب : حالاً .. أدوفكوا الملوخية بتاعتى وما
دام إحنا فى إسكندرية أعملها لكوا بالجمبرى .
محمود : ملوخية أم مريم علامة مسجلة !
بولس : لأ .. انزلى باليامية يا أم عماد .. إحنا
ح نسكت لهم !
جرجس : خللى بالك .. أمى ما بترحمش ..
فى البامية ما بتعرفش أبوها !
فاطمة : معلىش بأه .. مش زى ملوخية ماما .
بولس : إيه .. إنتوا ح تقلبوها فتنة ياد إنت
وهيه .

يضحكون .

ديزولف .

العائلتان تأكلان فى سعادة .

يأكل الملوخية بسعادة .

محمود : ما هى الملوخية دى هى اللى جوزتى
أم مريم .. كان أبوها عازمنى ع الغدا يا دوب
خدت لقمة من الطبق .. قلت له مين اللى عامل
الملوخية دى قال لى بنتى .. قلت له نعمل جنبوت .

يضحكون .

ما تيلدا : إيه ما كلتوش البامية بتاعتى دى زى
ما هيه ؟!

زيتب : زى ما هيه إيه يا أختى ده إحنا مش

مسحنا الحلة .. إنتى حاطة فيها إيه .. زبدة ؟!

ما تيلدا : لأ .. دى حتى بالزيت .

زيتب : اتعلمى يا مريم من طنط !

ديزولف .

قطع





فيلم غزل البنات فى التلفزيون .. مشهد لقاء
الريحانى بسليمان نجيب (الباشا) يرتدون
ملابس البيت .. ومنفجرون فى الضحك ..
وأمامهم لب وسودانى وترمس فى أطباق .

زينب : كل مرة أشوفه أموت من الضحك ..
مش ممكن!

محمود يضحك .. حتى يكح كحة طويلة .. بولس
يعطيه كوب ماء .

محمود : مش معقول الراجل ده .. عجيب ..
تشوفه تضحك علطول .. من غير ما يتكلم !
بولس : إنت عارف نجيب الريحانى ده كان
بيكتب له واحد اسمه بديع خيرى!

تدخل زينب بالشاى وتوزعه عليهم فى جو أسرى
جميل .

محمود : ده مسيحي !
بولس : ما هو الريحانى كان فاكر كده
.. لما راح يعزيه فى أمه لما اتوفت لقى
صوان وقرآن . استغرب.. قال له هو إنت
مسلم يا بديع .. قال له آه .. قال له يعنى
ما قولتليش .. قال له ما إنت ما سألتنيش!
محمود : هو الريحانى كان مسيحي ؟!
بولس : طبعا يا مرقص .

ملامح محمود .
الريحانى كوميدى جداً ..
محمود لا يضحك .. ولا زوجته ولا فاطمة !
ينفجر بولس فى الضحك هو وجرجس وماتيلدا
.. ثم ينظر بولس مستغرباً !

ديزولف .



محمود وبولس يلعبان الطاولة .

بولس : إيه الحظ ده يا مرقص .. تعوز الدُش
يجيلك .. ده إنت قسيس عامل لك عمل ودافنه
فى دير .

محمود : بنج دو .

يلعب مرقص بحماس .

بولس : فين الدوسة بأه .. الدوسة .. أدى الدوسة .
محمود : ده إنت زعق لك نبى يا شيخ حسن .
بولس : العب .

محمود : الدوش أهوه .

بولس : إنت بتقرص يا مرقص .

محمود : باقرص إيه ؟ أهو الزهر قدامك .

بولس : إنت .. ده إنت كافر فى اللعب !

يضحكان ويفلقان الطاولة .

محمود وبولس فى التراس وحدهما وقد أشرقت
الشمس .

بولس : تعرف يا مرقص أول ما جيت سكنت
جنبك وليم شحاته قاللى إنك ما بتروحش
الكنيسة ولا بتصلى .. بصراحة فى الأول قلقت
منك .

محمود : الدين مش صلاة وصوم بس يا شيخ
حسن .. الدين معاملة .. الدين لازم يخلق
مساحة من الحب والتسامح والود بين الناس
وبعضها .

بوتس : يا سلام .. لو كل المصريين فكروا
زيك يا مرقص .. كانت بلدنا دي بأت أحسن بلد
فى الدنيا كلها !

محمود : إحنا مشكلتنا فى الصوت العالى يا
شيخ حسن .. هو اللى ح يضيع البلد دي .
بوتس : طول ما اللى زىي وزيك فيها عمرها ما
ح تضيع يا مرقص .

قطع



فاطمة وجرجس يتمشيان على البحر والأيدي تتلامس .

جرجس : مريم .. أنا عمري ما عرفت الحب ده .. يعنى إيه .. طول عمري مركز فى مذاكرتى وفى دينى وصلاتى وعلاقتى بربنا .. عمري ما جرؤت إنى أكلم واحدة .. أو يعنى .. أصل ..!
فاطمة : إنت عاوز تقول إيه يا عماد .. ما تدورش على الكلام .. قول اللي جواك .. أنا كمان جوايا حاجات كتير عاوزه أقولها لك !
جرجس : أنا بحبك يا مريم .. بحبك قوى .. قوى!

رد فعل على وجه فاطمة قد تضرج وجهها بخجل وابتسامة رائعة وتتشابك الأيدي .. ثم تبعد فاطمة يدها بنعومة .
جرجس مبتسمًا .

ابتسامتك دى تطمن .
جرجس : إيه .. أطمئن ؟!
يعنى إنتى رفضتى هانى جورج عشانى .
فاطمة : لأ مش عشانك بس .
جرجس : آمال إيه ؟!
فاطمة : عشان أنا .. ما ينفعش أتجوزه .
جرجس : مع إنه مادياً أفضل منى .
فاطمة : إنت مفيش حد فى الدنيا أفضل منك .
أنا فيه حاجة عاوزه أقولها لك يا عماد .

فاطمة تومئ برأسها فى حياء جميل .

تتلاقى الأيدي مرة أخرى .

جرجس : أنا اللي عندي حاجة مهمة لازم
تعرفيها وح تفرحي جداً لما تعرفيها .. أنا ما
اسميش عماد.

أنا اسمي جرجس بولس ميخائيل ! أنا مسيحي
زيك يا مريم .

فاطمة : إيه ؟!!!!!!

جرجس : فيه إيه يا مريم .. مالك ؟!

فاطمة : فيه مصيبة .. فيه حرام .. أنا مسلمة
.. أنا اسمي فاطمة !

رد فعل على وجه فاطمة من هول الصدمة وكأنها
قد تلقت صفة .. تسحب يدها بسرعة كأنها
مست ناراً .

تتجمد الدموع في عينيها وهي لا تصدق ما تسمع .

جرجس لا يستطيع أن ينطق .. عيناه تمتلآن
بالدموع هو الآخر .. كل منهما ينظر نحو الآخر
نظرة مليئة بالحزن والحسرة .. ثم يفترقان على
شاطئ البحر لتري الأمواج المتلاطمة لتعبر عما
يجيش بصدر كل منهما .

قطع



بولس ومحمود يأكلان سمك فى محل أسماك .
يمضى الجرسون .. بولس يعطيه فص سمك .

بولس : خد دى بأه من إيدى ؟ الفص ده حلو
قوى مافيهوش شوك !

محمود : ولو فيه شوك .. من إيدك بياه زى
الملبن يا شيخ حسن !

بولس : يا سلام عليك يا مرقص .. إنت
مسيحى مثالى .. اسمع بأه .. أنا لاح لف ولا
أدور عليك .. إنت فاهم وأنا فاهم .. إحنا يا خويا
عاوزين ناخد بنتك لابنى !

محمود : بس .. بس يا شيخ حسن !

بولس : بس إيه ؟ العيال بيعجبوا بعض ..
والموضوع خلصان من ورانا .. وإحنا عاوزين
إيه غير سعادتهم .

محمود : يا سلام يا شيخ حسن .. ده أنا أجهزها
وأوديهاله لحد بيته .. هوه أنا أطول أناسيك
يا شيخ حسن .. بس مادام وصلنا لكده إحنا لازم
بأه نتصارع .. ولازم أقولك على كل حاجة !

بولس : أنا فاهم اللي فى دماغك يا مرقص .. ما
تخافش .. أنا عندي ليك مفاجأة حلوة ح تسعدك !
محمود : وأنا كمان يا شيخ حسن عندي ليك
مفاجأة حلوة .. مفيش حاجة تستخبي عليك أبدًا
بعد كده !

محمود : بأه أنا يا شيخ حسن يا خويا بصريح
العبارة كده هربان من ناس عاوزين يقتلونى !

مرتبكا .
يقاطعه .

بولس : يا سلام .. شوف الدنيا .. أنا كمان هريان من ناس عاوزين يقتلونى يا مرقص !
محمود : بيا ه ربنا سبحانه وتعالى أراد إن إحنا الاتنين نتقابل فى الشدة دى عشان نتلاقى ..
 واللقا نصيب .

بولس : أيوااه .. اللقا نصيب .. شوف يا مرقص إنت خايف بعد ما ابنك وبنتي يتجوزوا .. إن أحفادك يعنى يطلعوا مسلمين .. لا يا مرقص .. أحفادك ح بيا أو مسيحيين زى ما إنت عاوز .. أنا مش الشيخ حسن .. أنا بولس واعظ كنيسة مارى جرجس ومدرس لاهوت !

محمود : إيه ؟ إنت بتقول إيه ؟!

بولس : ما تخليش الفرحة تعمل فيك كده .. ح تلم الناس علينا يا مرقص !
محمود : أنا مش مرقص .. أنا محمود سيف الدين .
بولس : سيف الدين .. وكمان سيف الدين ؟!

الجرسون : الحساب !

محمود يسقط من يده الطبق وزجاجة تنكسر
 ويصرخ فى هلع :

صارخًا .

رد فعل على وجه بولس .

كل منهما ينظر للآخر نظرة ذات مغزى تتغير فيها الملامح والمشاعر فجأة .. ينطق عينا كل منهما بمشاعر غريبة من الكراهية .
 يترك كل منهما الطعام ملقيًا بالمعلقة والفوطة فى الترابيزة ، ثم يمضى كل منهما فى اتجاه .
 يأتى الجرسون مسرعًا .. بعد ذهابهما .

قطع



إضاءة البيت صارت كئيبة ومظلمة .
وانقسم البيت قسمان .. صارت كل أسرة تجلس
فى كورنر .. محمود وزوجته ارتدت النقاب وابنته
ارتدت الحجاب .
وبولس وزوجته وابنه .. فى ركن آخر .. حتى
تراييزة الأكل انقسمت .. لا أحد عنده رغبة فى
الطعام.

محمود : ما تاكلى يا زينب .

زينب : مش قادرة .. مش طايقة أعيش فى
البيت ده يا محمود .. إنت لازم تشوف لنا شقة
تانية بسرعة .

ماتيلدا : اسمع يا بولس .. إحنا لا يمكن ح نبات
فى الشقة دى ليلة واحدة مع الناس دول .

ركن الأسرة المسيحية .

يقومان للذهاب إلى الغرفة الداخلية .
جرجس وعيناه قد امتلأت بالدموع ينظر إلى
عيني فاطمة التى تظهر من خلف النقاب .. هى
الأخرى غارقة فى الدموع .
فاطمة هامسة له باكية وتكلم محمود .

بولس : كلى يا ماتيلدا .

فاطمة : الناس دول إحنا ما شفنناش منهم
حاجة وحشة .. وعشنا معاهم أجمل أيام .. قلبنا
على بعض ليه ؟!

محمود مكشراً لا يرد .

جرجس : راحت فين المحبة اللى كانت جواكوا
.. هو كان إيه اللى حصل .. الأسامى اتغيرت
تقوم القلوب كمان تتغير !

جرجس لبولس والدموع فى عينيه .. يهمس له :

بولس مكشراً لا يرد .

ماتيلدا : إحنا مالناش ذنب فى اللى حصل .
جرجس : هُما كان مالهمش ذنب .
زينب : ذنبهم إنهم ما قالولناش الحقيقة من
الأول .
فاطمة : إحنا كمان خبيتا عليهم يا ماما .. وما
قولناش الحقيقة .

محمود وفاطمة وزينب .

محمود مكشراً صامتاً .

قطع



القس : فين الأمان اللى موجود فى البلد .. إذا
كنت أنا مش مُستأمن على بيتى وعلى عرضى
وعلى فلوسى .. دول بيقولوا إن أموالنا ونساءنا
هم غنيمة لهم .. نخلى فلوسنا هنا ليه بأه ..
بيأه نطلع فلوسنا بره وقت ما نحب نمشى ونسيب
البلد نلاقى حاجة نعتمد عليها .

قس يلقى وعظلة فى إحدى الكنائس .

قطع



الخطيب : إذا دخل عامل من عمال المسلمين سباكاً أو نقاشاً أو كهربائياً إلى شقة أحد المسيحيين وعمل بها فماله حرام .. وورزقه منهم حرام!

الكاميرا تستعرض المصلين .. والخطيب يلقي خطبة مليئة بالتطرف .

قطع



بولس وجرجس وماتيلدا .

ماتيلدا : الحقيقة إنهم بيكرهونا .. إنت لسه صغير وما تعرفش حاجة !
جرجس : لأ يا ماما .. إنتى أول مرة فى حياتك ما تباش صح ! الناس دول إحنا حبيناهم وحبونا .
ماتيلدا : حبونا عشان كانوا فاكرينا مسلمين زيهم !

زينب ومحمود وفاطمة .

زينب : دول كانوا فاكرينا مسيحيين زيهم .. لما عرفوا إن إحنا مسلمين .. الوش التانى ظهر .
واسكتى بأه عشان أنا عارفه إنتى بتقولى كده ليه ؟! كان يوم أسود يوم ما شفناهم !

بوعيد لفاطمة .

كل منهما يدخل إلى حجرته ويصفع الباب ..
يسود الشقة حالة من الكآبة والبرود ونسمع صوت غلق الأبواب بالمفاتيح والترابيس .

قطع



واعظ في كنيسة .

القس : ربنا قال من لطمك على خدك الأيمن
حوّل له الأيسر .. بس مش و أنت ضعيف .. و أنت
قوى .. لازم توريله إنك تقدر ترد عليه .. اكسر
إيده الأول وبعدين إديله خدك الأيسر .

قطع



شيخ يخطب بعصبية شديدة .

الشيخ : لا تجعلوا أولادكم يصادقونهم أو يلعبون
معهم أو يأكلون معهم .. وهذا حرام .. حرام ..
حرام ! إذا كان لك جار مسيحي وحل عليه عيده
فمن الحرام أن تذهب إليه وتعيّد عليه بعيد
لا يعترف به ديننا .. الابتسامة في وجوههم
حرام .. السلام عليهم حرام .

قطع



ماتيلدا وبولس وجرجس .

ماتيلدا : كان يوم أغبر يوم ما عرفناهم .. كان يوم ما طلعتلوس شمس .. إحنا لازم نمشى من البيت ده دلوقت حالاً .. جرجس روح هات عربية ترجعنا مصر .. أنا ح أرجع بيتي فى العباسية ويحصل اللي يحصل .. ياللا !

جرجس يخرج .

قطع



زينب ومحمود وفاطمة .

فاطمة : نستنتى للصبح يا ماما .
زينب : مفيش للصبح .. دلوقت حالاً .. روح جيب عربية وح نطلع على مصر واللى يحصل يحصل .

محمود يخرج ويغلق الباب بالمفتاح .

قطع



محمود خارجًا من العمارة .

بداية التظاهر وخروج المسيحيين من الكنيسة
وخروج المسلمين من المسجد في حالة هياج
واضح (فتنة محرم بك) .

هتافات مختلفة من متطرفين مسيحيين
ومسلمين .

هتافات المسيحيين .

المسيحيين : بالروح بالدم نفديك يا صليب .
إحنا مضطهدين .. إحنا مضطهدين .

هتافات المسلمين .

المسلمين : الله أكبر .. الله أكبر .

تتداخل الهتافات .. ويبدأ العنف في المظاهرات
.. والاشتباك .

قطع



ضرب وحرأئق .. تمتد إلى الشقة وتمسك فيها
النار .. هكذا صارت الشقة ليس بها إلا بولس ..
وماتيلدا وزينب وفاطمة .

قطع




النار تلتهم الشقة .. صراخ ماتيلدا .. وزينب
وفاطمة .. يطرقان على الباب .
ماتيلدا تخرج بقميص النوم مذعورة ..
بولس ينظر نحو الشقة .
تخرج مسرعة .

ماتيلدا : ياللا يا بولس .. البيت بيتحرق !

بولس لا يستطيع أن يترك زينب وفاطمة وينظر
نحو الباب المغلق ، حيث زينب وفاطمة يطرقان
الباب فى هلع .. ولا يدري ماذا يفعل .. ثم يقرر
أن يفعلها .. يذهب بكل إصرار إلى الباب ويبدأ
فى تكسيره محاولاً إخراجهما من بين النار
والدخان معرضاً نفسه للموت !

قطع



زحام وجمع غفير من الناس وأمن .
محمود عائداً .. يرى المشهد .

يرى ماتيلدا خارجة بقميص النوم وهى تصرخ
.. يخلع عباءته ويغطيها .

محمود : إيه اللي حصل ؟!

ماتيلدا : البيت بيتحرق .

محمود : وهماً جوه .. فاطمة .. بنتى .. يا زينب !

محمود يحاول أن يدخل بين الناس ولا يستطيعه
.. بعضهم يمنعه .

جرجس يأتى مسرعاً جارياً فى حضن أمه .

جرجس : بابا فين يا ماما ؟!

ماتيلدا : أبوك جوه يا جرجس .. أبوك جوه !

بصعوبة شديدة نجد بولس خارجاً .. وهو يحمل
فاطمة وزينب خارجة وراءه تصرخ .

زينب : فاطمة .. ردى عليا يا فاطمة .. البنت
راحت منى .

بولس : فاطمة كويسة .. فاطمة كويسة
يا محمود .. ما تخافوش .

محمود يأخذ ابنته بين أحضانه .. تبدأ فاطمة
فى الإفاقة تدريجياً .

محمود ينظر إلى بولس وسط الزحام الغفير
وبولس ينظر إلى محمود .

محمود : متشكر يا بولس .. متشكر .

بولس : دى بنتى يا محمود .

كل منهما يمد ذراعه نحو الآخر والدموع تترقرق فى
الأعين .

لا تزال الفتنة وراء الأسرتين على أشدها ! لا نعرف
فى الفتنة المسيحية من المسلم .. حالة عنف
عشوائية رهيبه .. يبدأ مشعلو الفتنة فى الاعتداء
على بولس فى لحظة العناق .. تنزل الضربة على
رأس بولس فيسقط !

يحاول محمود أن يدافع عنه فيتلقى هو الآخر
ضربة على ذراعه!
جرس يدخل ويساعد محمود على النهوض،
وفاطمة تجرى على بولس .
أحد المتظاهرين يشد ماتيلدا من العباءة
ليعيها .. زينب تجرى وتحيط بها لتغطيها ..
تعلو المعركة أكثر وأكثر .. حتى يمسك كل من
بولس ومحمود بأيديهما .
ويمسكان بالأسرتين .. فى تكوين واضح ..
ويحاولون الخروج بصعوبة من الأتون الملتهب .
كل منهما يأخذ الآخر .. الأسرتان معاً ..
متحايين بعيداً عما يحدث وراءهما من دمار
وهياج وتعصب.

قطع





أثناء تيارات النهاية

مظاهرة ضخمة يشترك فيها عدد كبير من
الناس نرى الشيخ محمود مرتدياً جلباباً أبيض
وطاقيه .

ونرى بولس مرتدياً ملابس المسيحي .
ونرى الأسرتين متكاتفين متحدتين وخلفهما
الجماهير الغفيرة .
ونرى مكتوباً على الشاشة :

« الدين لله .. والوطن للجميع » .

يوسف معاطي

القاهرة

2007/10/25



كتب للمسرح والسينما والتليفزيون والإذاعة وكتب للصحافة مقالات ساخرة وأبواباً من أشهر الأبواب فى الصحافة العربية.. واليوم ونحن نقدم له أعماله السينمائية فى سلسلة جديدة والتي كان نجم نجوم العالم العربى الفنان القدير عادل إمام قاسماً مشتركاً معه فى معظم أعماله التى أثارت الكثير من الآراء فى الصحافة العالمية - بدأ بفيلم طباخ الرئيس ثم نتبعه بأفلامه مع الفنان الكبير عادل إمام.

الناشر

الأعمال السينمائية

- * ياتحب ياتقب . * ح نحب ونقب . * الواد محروس بتاع الوزير.
- * التجربة الدانمركية . * عريس من جهة أمنية . * السفارة فى العمارة.
- * مرجان أحمد مرجان . * طباخ الرئيس . * حسن ومرقص.

... يتناول الكتاب بعمق ودقة وموضوعية أشد تفاصيل أزمة التعايش مع الآخر تحت سقف الوطن الواحد .. وقد سار المؤلف ببراعة غير مسبوقة على خط الصراط المستقيم المشدود فوق آتون الطائفية البغيضة .. بأسلوب ذكى وكوميدي وراق .. وكيف لا يقدر على ذلك، وهو الكاتب الصحفي ، الساخر، نديم الكبار وصديق العمالقة ، صعلوك المقاهى ، لورد السفر حول العالم ، الحبيب المخلص ، والصديق الوفى ، الطفل الكبير البرىء ، الحكيم البوتقة الذى تألفت بداخله فلسفة زكى نجيب محمود ، وفطرية بديع خيرى ، وصعلكة محمود السعدنى، ونقاء الأم تريزا .. إنه يوسف معاطى...

علاء الدين

الدار المصرية اللبنانية

